

四庫全書

史部

欽定四庫全書

史部

硃批諭旨卷一百三十二上

臣 永瑤 恭 校

編 修 臣 裴 謙 覆 勘

總校官中書 臣 朱 鈐

校對官助教 臣 卜 惟 吉

謄錄監生 臣 張 同 履

欽定四庫全書

硃批諭旨卷一百三十二上

硃批憲德奏摺

雍正四年四月初九日湖北按察使臣憲德謹

奏爲恭報微臣到任日期事竊臣世受

國恩由廕生歷任部曹勉力供職自愧庸愚涓埃莫

報今又蒙

皇上天恩簡授湖北按察使臣聞

命之下不勝戰慄惶悚嗣於

養心殿仰覲

天顏恭聆

聖訓教誡詳明惟務無欺無隱不可絲毫瞻顧勉勵諄

切臣謹鏤心版時刻不忘卽於二月二十八日東

裝起程至四月初一日抵武昌臣署接印視事所

有一切案件容臣次第辦理臣自分才力短淺初

膺外任而臬司衙門尤爲刑名總匯關係匪輕必



矢慎矢公惟勤惟詳方爲無忝厥職臣惟有凜遵

天語夙夜恪勤勉竭駑駘以仰副

皇上教誨生成之至意謹將微臣到任日期繕摺奏

聞伏祈

睿鑒謹

奏

覽勉爲之

雍正四年六月初八日湖北按察使臣憲德謹

奏爲密陳事竊

臣

以愚昧之質荷蒙

皇上隆恩簡畀湖北臬司於四月初一日到任不數日

內忽有原任藩司張聖弼來署請見緣稱原任藩

司遂容其進見

臣

詢其履歷稱係正藍旗漢軍

臣

云旣已退任何不歸旗答云尚有拖欠未清

臣

不

知其欠者何項原擬有無罪名及應行監追而竟

未行收禁并類此等事尚有幾案隨牌行所屬八

府令各府照案註明一一造冊送司以憑查閱續

據武昌府知府章培基造冊送司

臣細閱冊內開

除因虧空革職糧道許大定及革職守備劉世傑等現在監追外有因虧空革職擬斬之原任藩司

張聖弼未曾監禁現交管押竊思此係

臣之專責

若不嚴行禁飭是

臣上負

皇恩而壞

國法甘蹈罪愆而爲他人任過也當即牌行該府令其立拏監禁具報去後於五月二十八日據該府

報稱應行監追之張聖弼已於二十七日送入府  
監訖至二十九日有總督李成龍來文一紙係張  
聖弼所投懇請寬免監禁呈詞奉批按察司查覆  
臣隨將到任以後牌行報查勒令入監二十八日

已報送監等情備叙詳覆奉批據詳已悉各在案  
楚省各署歷有督撫兩院事宜報單送閱臣見五

月二十七日報單內開張聖弼差人到督院投請  
寬免呈詞收入此即批臣查覆之紙矣本日張聖

弼又差人到撫院先投稟一封又投請寬免呈詞  
未收此俱未入監之前一刻也五月三十日報單

內開張聖弼差人到督院投稟一封此則已入監

之後矣臣於此事理宜立行揭參為是但思張聖  
既經執法監禁則已可以不必揭參張聖弼實係積惡  
弼事犯迄今歷有年月從未入監若臣徑行揭參  
巨憝不容絲毫姑息之人朕於李成龍赴任湖廣之初  
則歷任督撫以及府縣例應議處者甚多臣泣任  
即曾降有密諭張聖弼居官為人甚屬不堪楊宗仁之  
月餘舉行一事而遽參揭多人臣固不避物議誠  
糾參殊不為枉爾雖與伊同旗當秉公執法切勿涉於  
恐

偏袒私疏朕於彼時尚未知伊等原有親誼也李成龍  
皇上責臣之輕舉妄動則臣罪不克當矣是以臣初意  
奉有如此嚴諭猶敢徇情寬縱則可謂大負朕矣李成  
龍居心行事如何據實秉公奏聞章培基為何如知府  
天聽不意張聖弼於未入監之前差人到兩院紛紛投  
亦具奏以聞

呈投稟已入監之後又差人到督院投稟伊雖屬

督臣至戚臣不知其所稟何詞然而疑懼之衷內省不疚何

疑何懼之有

自不能釋然謹將日報原紙三片夾入摺內呈

覽抑臣再有請者臣於二月二十六日進

養心殿恭聆

聖訓奉

皇上面諭爾如有奏摺交與塞爾圖欽此臣思塞爾圖雖老尚健其病已愈矣况朕旨非令伊親呈何至違誤近來年老多病如臣或值其被差出京命爾來人竟齋至宮門自有人代為奏摺到京值伊動履維艱之日則臣摺未免稽遲嗣轉奏

後臣摺到京如值伊有病之日應否另交與何人

轉

奏伏乞

皇上批示遵行謹

奏

覽奏可嘉之至若能事事如是永遠如是即將此志堅操不移將來可望成一人物也勉之勉之

雍正四年七月二十二日湖北按察使臣憲德謹奏為遵

旨密陳事竊臣前奏監禁張聖弼一事臣家人捧摺回楚奉到

硃批遵即訪查督臣李成龍所辦各衙門事跡因履任



未久不能周知就臣一署之事觀之大約李成龍  
歷練多年頗屬能事然俱不過敷衍完局毫無實  
心實意即以張聖弼一事言之李成龍身爲督臣  
蒙

皇上不次之恩且業已明白

指示密諭在前而猶收其懇請寬免監禁呈詞以明知  
之事而又批司查覆則其居心姦猾不問可知再  
查知府章培基係紹興人氏年六十有餘雖任武

昌守十餘年毫無善政可紀前督臣楊宗仁屢行  
申飭特以無甚大弊未曾叅革耳今年齒愈老實  
罷軟不及人不勝任至於未曾監禁張聖弼一事  
則咎在上司之徇庇非府縣之敢於私自縱容也  
再張聖弼之事原係武漢二府審追緣該犯在武  
昌而不在漢陽前送臣冊籍亦單係武昌府造送  
是以臣前

奏摺單言武守章培基而未及漢守郭朝祚今

皇上問章培基何如知府故臣將郭朝祚亦係承審承  
追之員因隔府居住冊在武昌府故前摺內未曾  
叙及漢守情節今補行奏

聞統祈

皇上睿鑒裁奪外所有奉到

硃批理合恭繳謹

奏

凡事以真實爲主而出之以公正自無不獲福之理勉

之向聞郭朝祚才情官聲俱好爲湖廣知府中第一斯  
言確否

雍正四年九月十九日湖北按察使臣憲德謹

奏爲據實回奏事竊臣前奏督臣李成龍及知府章

培基一摺奉有

皇上硃批臣跪讀之下不但爲臣居官辦事之指南實

爲臣安身立命之

寶訓雖父母教子無以踰此惟有祇承

聖訓力勉誠實敬效犬馬於

光天化日之下耳再臣看得漢陽府知府郭朝祚爲人  
謙遜和平辦事穩妥洵屬循良之員但性情畧多  
退守似於卓然自立毅然任事處微有不足茲奉  
旨詢問理合據實奏

聞謹

奏

覆奏郭朝祚居官爲人之處甚屬公當

雍正四年十一月二十四日湖北巡撫臣憲德謹  
奏爲敬抒忱悃事竊臣謏劣庸材下愚陋質仰蒙

皇上隆恩簡畀臬司甫經七月今荷

特恩授臣爲湖北巡撫刑名而外兵民錢穀皆臣應辦  
之事凡有乖謬臣爲罪首悚懼之心實深寤寐臣  
甫到任諸務茫然伏乞

皇上容臣入京

陛見恭聆

聖訓俾臣知所遵循回署之日臣將地方事務細加體察如遇各屬敷衍朦朧事內應行奏

聞者臣不敢顧忌亦不敢徇隱自必次第奏

聞懇請

皇上指示遵行臣非欲以多事爲詳慎以苛求爲明察  
妄邀

君寵有妨民務也如遇敷衍朦朧事內非關緊要無甚弊端不必奏

聞自應更正者臣即自行更正亦不敢瑣瀆

天聽臣非敢出入其間上下其際巧爲干譽乘機媒利也臣愚以爲爲臣之職實有不可不如是者書曰臣無有作威作福易曰地道無成而代有終大義昭然敢不恪守總之臣之駑鈍萬不能副

皇上擢用之恩而臣之愚衷無一不在

皇上洞鑒之內爲此敬抒忱悃恭請

陞見伏乞



皇上批示遵行謹

奏

覽奏深為嘉悅勉之爾若無可取之處朕豈肯如此驟  
加擢用從此當更加努力以全朕用人顏面至陛見之  
請竟可不必即來京仍不出前次陛辭之訓旨朕之居  
心及一切用人行政福敏悉知命伊詳細傳述與爾即  
如面朕一般何必曠廢職守為無益之奔馳也

雍正五年正月十九日湖北巡撫臣憲德謹

奏爲恭謝

天恩事雍正五年正月初五日臣齎摺人回恭捧

御書福字及十思疏併風羊哈密瓜到臣臣跪迎至署

望

闕叩頭祇受訖伏讀

硃批諭旨朕之居心及一切用人行政福敏悉知命伊  
詳細傳述與爾即如面朕一般欽此臣即恭詣署督

臣福敏衙署告以

諭旨經福敏敬將

皇上用人行政居心處歷歷告臣仰見我

皇上明同日月治邁唐虞

建中立極與

天地合其德法

祖勤民與四時合其序無怠無荒兢兢業業無偏無黨蕩

蕩平平克勤於邦每以

一身先天下克儉於家未始以天下奉

一人凡所以範圍宇宙曲成萬物而不過不遺誠亙古未有者也在福敏宣揚之際深以爲

帝德淵微不能彷彿於萬一而在臣敬聆之下已不啻  
觀

天子之光仰

天顏於咫尺矣臣欣逢

盛世幸遇

主知雖自顧庸愚報稱無地而丹誠耿耿矢志有年惟

抒犬馬之微忱竭力於

堯天禹域中耳為此繕摺恭謝

天恩謹

奏

覽奏謝知道了為君難為臣不易我君臣期共勉之

同日又

奏為密陳事竊思辦事惟在得人外省官員督撫而

下司道所關最要臣謬膺

簡命巡撫一方若於司道之賢否優劣不細加體察則

諸務廢弛之漸臣始基之矣除按察使蔡嵩武昌

因聞蔡嵩不諳外吏之事已改用於內矣趙弘本才具

道趙弘本糧儲道張廷樞俱未到任臣尚不知外

平常猶可為國家出力之人張廷樞中材也尚屬老成

謹將現任司道居官大槩就臣愚見為我

至王克莊朕亦但取其操守而已才情原屬不逮爾論

皇上密陳之臣看得布政使王克莊為人庸愚既無表

甚公得人時即行更易

率之才而辦事又屬耽延疎忽隨波逐浪恐不能

承宣

德化布政一方也驛鹽道柳國勲多言其好者

柳國勲多言其好者

耿直簡默廉隅

自持而辦事亦勤敏周到荊州道高淳雖人近浮

此語公當

之極

將來必漸有增益

誇而留心政務罪勉從事無誤厥職襄陽道趙之

所論

甚確

均雖才未練達而頗知自勵諸事惟恐遺誤不失

為勤慎之員此數人者皆就臣所見據實奏

聞非敢有一毫私意於其間也但未奉

皇上詢及冒昧陳詞臣不勝惶恐之至為此謹

奏

但能留心察吏明以持衡又從而秉公舉劾諸事不難

就理矣朕於楚省夫復何憂此一節為汝等封疆大吏之專責要務勉之勉之

同日又

奏為奏

聞事竊照荊州府屬之長陽縣與容美土司界址相接自明末兵燹之後田地荒棄漢土淆雜附近於土司者不無被其侵占以致漢土人民互相構訟歷有年矣先因土司侵占柑子園魚翅灘等處經前



督臣楊宗仁委令縣營會勘柑子園魚翅灘等處  
係土舍用價一百八十兩契買漢土雖經前督臣  
斷給長民但未給價贖歸因循至今葛藤未斷又  
上年三月土人向彩等率衆爭奪蹇家園上洪宇  
等處將民人蹇鳳家搶擄阻壅經長陽縣營會同  
拏獲土人向彩等並先經被擄在土之民人覃顯  
勲等具報通詳經臣於臬司任內會詳督撫委令  
荊州道高淳及府縣等前赴彈壓勘審嗣據該道

府縣將搶奪情由審擬軍成照例分別枷責詳結  
惟是秋水泛漲不能清勘地畝詳請俟秋水平退  
之日會勘結案等情迨秋水平退緣該員均值賑  
濟復經臣會詳改委蘄州知州王玠於公捐耗銀  
內給銀一百八十兩令其帶往贖取從前勘斷之  
柑子園魚翅灘等處地畝並會勘蹇家園等處囑  
令秉公確查永息爭競以結先後各案去後今據  
該知州會同長陽縣申稱職等遵即前赴蹇家園

地方據土司委令伊弟田琨如等移送退贖柑子園魚翅灘依領並造具圖冊前來職等隨將贖田價銀交給該土員領收訖住種土人已經搬移結案其蹇家園地方隨經查勘傳集漢土人民宣揚皇上恩威諄諄化導漢土人民莫不輸服并據該土司出具印信遵依不獨從前爭壅之上洪宇地土盡聽蹇鳳等耕種陞科并接壤之下洪宇田地俱情願退歸蹇鳳等管業住種土人現在搬移立碑嚴

禁永爲遵守取具印領遵依圖冊碑刻申送到臣  
查柑子園魚翅灘等處地畝被土人侵占多年令  
俱悅服退歸誠我

皇上天威聖德之所致也臣不敢壅於上

聞為此繕摺謹

奏

前據譚一豫條奏此事朕久欲交發汝等查議為因近  
日烏蒙涼山普雄狝苗等處現在整理未竣其地皆與

楚省隣近且湖南又有謝錄正一案若復議論及此天下人必謂朕為有意多事好大喜功是用遲疑未果今覽爾此奏深為慰悅故將其奏摺亦發來與爾同福敏間看

雍正五年三月十六日湖北巡撫臣憲德謹

奏為奏

聞事雍正五年二月二十日據前撫臣鄭任鑰家人元應芳呈稱為捐克公用事切芳家主都察院左副

都御史鄭任鑰前任湖北巡撫身受

國恩天高地厚令已內補離任情願捐銀二千兩以  
充修城等項公用伏乞批示等情到臣查鄭任鑰  
前任起程時並未向督撫言及情願捐銀効力之  
事至伊進京臣又不知其有無奏

聞臣當據伊家人具呈即批令布政司查收貯庫訖臣  
不敢隱蔽謹繕摺奏

聞謹

奏

鄭任鑰如此譎詐甚屬無恥可交與福敏連前事一併  
察議奏聞

同日又

奏為據實陳明仰懇

聖恩事竊照湖北巡撫有兼收荆關木簾船料等稅一  
項除正額按季交貯藩庫彙行解部外尚有贏餘  
每年約萬數上下不等歷任撫臣因係自理關務

贏餘未經

奏明奉

旨皆自取為衙署用度伏思臣以駑駘之質過邀

聖恩凡職內應盡之事自視缺然焉敢於

國課之餘竟謂已所應得默為收受也臣請嗣後除

正項銀兩照例交貯藩庫解部外其餘銀兩臣亦

按季查交藩庫年終另行核實奏

聞聽候撥用庶臣不致有朦朧專擅之愆再前督臣楊



宗仁於加一耗銀內分派各官養廉自司道府以  
及州縣無不均遍而督撫衙門未經議及臣自祖  
父以來世受

國恩家道頗為豐裕至臣二十年來仰事俯育諸事  
繁多家道蕭然一無田產臣撫署用度勢不容已  
臣不敢矯飾交納贏餘之名別為營取是又不得  
不懇乞

皇恩者查湖北藩庫歲有耗羨三萬餘兩係楊宗仁議

為省中公用之資伏乞

皇上洪恩敕於此項內酌定一年賞臣若干兩則臣署  
公私之用可以無缺而俯仰之下莫非明受

皇恩矣臣不勝冒昧惶悚之至謹

奏

據奏家道蕭然可謂大笑談即使極其豐裕亦未有令  
爾賠累產業居官之理與督臣福敏酌定取用可也

雍正五年閏三月二十四日湖北巡撫臣憲德謹

奏為奏明事竊臣於閏三月十二日自武昌起程至  
荆查得程如絲案内受傷身死陳堯之親屬陳典  
等與受傷現存之王四等十餘名臣親帶往赴川  
其沿途夷陵歸州巴東等處聞俱有被害之人容  
臣到彼逐一查出帶往質審所有武漢等府屬業  
經屢次飛檄飭查凡有查出之人亦即委員解送  
臣欽遵  
諭旨務必盡力查出決不敢致有遺漏有負

聖主慎重民命之至意也祇是臣入川事竣之後正值  
五六月川水長發之時舟楫難行必由西安府陸  
路回楚臣受

恩深重犬馬戀

主愚忱實切寤寐西安離京僅一二十程懇乞

皇恩容臣由彼入都

建京之行可以不必朕之用人行政天下臣工所共知

陛見瞻觀

共見只在爾等肯盡力遵循否耳陛見請訓所訓亦不  
天顏臣即星馳回楚亦不致多有耽延時日再臣往川

出此何用徒勞無益之往返也  
路由夔府經過臣既奉

命會審此案則過夔之時自應留心體察當日實情臣  
在川居官日久或有私誼偏向之處其言反不足為憑  
標右營遊擊馬化正先在川居官二十餘年為人  
於此尤當留意

頗機警慎密臣今帶伊同往以便過夔令其密為  
訪察合併陳明謹

奏

此一案岳鍾琪自不便出頭辦理爾其竭力秉公審究  
朕惟欲得事之真情而已一無意向於其間絲毫不必

瞻顧揣度但只據實料理可也

雍正五年六月二十四日四川巡撫臣憲德謹

奏為仰乞

聖鑒事竊臣自奉

命撫楚數月以來一事未能清理今荷蒙

聖恩調撫川省感愧交集雖捐糜頂踵亦不足圖報萬

一臣因會審入川由夔順二府以抵成都見沿途

居民原係本籍者不過十之二三其餘十有六七

非秦即楚有數年來新附入籍者有尚未獲入籍  
懸待觀望暫為末業者至今歲陸續來蜀者又復  
絡繹不絕其本地人民地畝原墾闢者不能保其  
盡無欺隱而外附之民新墾闢者數倍於昔謂其  
盡已報出可乎其間安插和輯清查均賦之事良  
非易易再若城工若軍需皆奉

旨清查案件迄今茫無頭緒而地方命盜事件沉積未  
結者又復不少於臣到任數日內按察使葛斗南

到蜀布政使尚未到任臣已無肆應之才而值茲民多新附地多新闢賦稅未清沉案疊積番土伊邇夷務孔殷撫臣藩臬皆係新任民情湊雜亟宜整飭吏治懈弛尤須振刷臣之庸碌未能隨事經理左右咸宜此臣之所以兢兢惶悚朝惕而夕懼也茲臣竭力逐次辦理如有可依限完結者臣不

敢優游從事如必不能限內完結者惟求

應寬

限者具疏題請可也

皇上格外寬限俾臣得徹底辦理如有識力不到之處



臣  
惟預為請

旨批示遵行庶不致有毫釐千里之差矣臣與馬會伯  
已各面行交代合併陳明謹

奏

覽汝敷奏情詞朕甚嘉悅何也天下事知難則不難看  
易殊不易大抵為督撫者但知專閫之榮初未嘗思及  
統率之難也為君難為臣不易既知其難故不得不殫  
竭心力以講求其宜而諸務於是乎就理矣夫為君者

撫馭寰區裁成萬彙為臣者奉命宣化分理羣氓苟有一夫不得其所一事一物偶或乖違不協何莫非其責耶念及此則誠為一大苦境也止可盡此

天地父母所生之身思有以利益社稷救濟蒼生已耳若將此苦趣視為樂境復從而興造無窮之孽豈非苦中增苦釋氏所謂深可悲憫者乎爾其勉之然於一切事雖知其難又不宜稍涉畏縮況辨理惟貴勤誠全不在生疎熟諳原係借衆力而為之一人伎倆能有幾何如

朕初即位元二年間實一人不知一事未諳殊覺甚難  
顧無可辭卸因而坦却胸懷但誠敬對

天勤恪遵

祖隨事隨物盡心審度以順酬中外之宜數年來始覺稍  
有頭緒此皆朕一念赤衷感蒙

上天

聖祖垂佑之所致耳卿今知此但具一忠勤之心盡力行  
去

上天自有鑒照神明或將默助其中實有莫之為而為者  
於此根源之理若少見不透一任超羣出衆之才卓越  
瓌異之資亦終無濟於事也忠誠二字感格人

天為最要察吏一節蒞政臨民為先務勉之勉之毋忽

同日又

奏為奏

聞事竊臣於六月十三日任事至十九日提臣黃廷桂  
向臣說前日有一瘋子在城內沿街喊叫說總督

岳鍾琪帶領川陝兵丁作反等語被我標下巡風  
兵丁拏獲我著千總問他滿口胡說像是瘋子我  
隨著交與成都縣收管臣隨問成都縣知縣王紹  
文稟稱瘋病得狠其原籍乃四川重慶府長壽縣  
人名盧宗漢臣思既係瘋人不必留在省城隨牌  
行成都府縣令押解原籍交與地方官看管毋令  
出境生事去訖臣思岳鍾琪作反之說揆情度理  
決無其事但此人若實係瘋病應置勿論倘若假

瘋自別有故或另有播弄唆主之人似宜窮治以  
除姦詭而臣未曾究訊一語即令押交原籍者蓋  
緣川省近來移居之人甚多間雜而處風習民情  
頗未浹洽捏造謠言無名揭帖一有讐隙便爾誣  
陷自州縣及省會俱不能免若確係生事之人則  
申刑憲而懲頑嚚自不容緩倘未得實據一有見  
聞驟爾騷擾則無稽之談反使惡徒得計恐非所  
以禦姦宄而靖囂紛也況邊地甚易訛傳倘衆人

不知臣意恐係假瘋所以推求欲究治播弄唆主  
之人而竟謂新巡撫來窮治總督謀反之事是猶  
治絲而棼之也寧可令衆庶見乎此臣之所以竟

不審問即交押解者也臣將此瑣瑣奏

所見得體已有旨矣

聞者不但為此一事凡臣愚見未知是否允協諸事惟

求

朕自然指示何待汝之請求

皇上指示遵行再臣既為撫臣地方事件有密應訪察

之處而臣甫到川一無耳目見聞即漸有所獲亦

必多需時日此又微臣現在之苦況也臣身任邊

疆神馳

闕下敬瀝愚忱統祈

聖鑒謹

奏

耳目見聞之論朕殊不以為然若能耳目即道路之人皆可為我之耳目否則左右前後無非蔽明塞聰之輩偏用一二人寄以心腹非善策也朕御極之初實一



人不識然彼時之耳目甚公且確近數年來股肱心膂大臣多矣而耳目較前反似不及訪察二字不被人所愚弄甚屬難事至於用耳目惟宜於新勉之慎之古云聽言當以理察於博採廣諮中要須平情酌理辨別真偽方可以言用耳目也

雍正五年六月二十九日四川巡撫臣憲德謹

奏為奏明事本年六月十九日據提臣黃廷桂向臣告訴拏獲瘋人盧宗漢一事臣隨牌行成都府縣

令其押解原籍長壽縣收管緣由於二十四日具摺奏

聞後於臣奏摺起程之次日又據成都縣詳稱奉督院批要犯盧宗漢已經本部院具奏請

旨發審今應否解回長壽縣收管仰再詳請撫都院批示繳奉此理合具文詳請批示等因到臣臣先因不知督臣岳鍾琪

奏請發審之事故令押解回籍既經

奏請發審自應羈禁候

旨遵行除批令該縣仍將盧宗漢收禁防守外所有未經押發原籍情由理合繕摺奏

聞謹

奏

已有旨矣務將實情審出朕意此事必有從中指使之人也

雍正五年八月十八日四川巡撫臣憲德謹

奏為恭報秋成事竊照川省本年夏秋以來雨暘時  
若田禾暢茂茲查據布政使管承澤詳報成都府  
所屬各州縣收成十分其重慶遵義順慶敘州等  
府及嘉眉邛雅等州各報收成十分九分夔州保  
寧馬湖等府並潼瀘等州建昌屬之衛所及松潘  
等衛各報自七分至八九分不等總計全川年景  
豐稔閭閻安阜我

皇上惠養元元無時不念切民依臣恐上厯

聖懷謹將各屬秋成分數繕摺奏

聞謹

奏

深慰朕懷凡此皆仰賴

上蒼垂庇竝

聖祖默佑之所致我君臣期共加勉勿怠

同日又

奏為奏明事雍正五年八月十一日准刑部移咨欽

欽定四庫全書

硃批諭旨

天

奉

上諭程如絲名下應追贓銀甚多其原籍家產交與浙江巡撫李衛查明其任所貲財交與四川巡撫憲德查明勿令絲毫隱匿欽此臣隨傳集布按二司遴選能員連夜搜查程如絲貲財之際有潼商道孟以恂差家人呈報伊從前借去程如絲緞疋首飾等物雖俱照單查收而孟以恂與臣乃兩姨兄弟也臣不敢為之隱飾俟查訊完日一併彙行

題報外合先奏

聞謹

奏

孟以恂與蔡珽程如絲皆同心一黨之人伊今若知悔懼將蔡珽等所有過犯盡行吐露無遺則予姑寬倘仍念舊好猶懷比周私情切勿稍顧親誼當嚴加處分蔡珽於朕前保奏孟以恂尤在程如絲之上引見時朕觀其庸碌所以發往巴里坤試用果應朕言平常人也所

奏已悉因私廢公之舉汝斷不為朕信得及

同日又

奏為奏明事竊臣查康熙六十一年及雍正元年蔡  
珽任內軍需捐納等事皆錢糧所關必須質對明  
白方可定其應追應銷現今查出各款內應訊之  
蔡珽者六七萬兩臣因蔡珽現在川省是以飭令  
布按二司逐款查對訊取確供又有現不在川原  
係經手之遲維臺高其佩馬世珩等所辦冊內止



有總數並無作何用去細數無憑定其追銷者現在另疏具

題懇乞

皇上敕部分別或將人員發川查對或令各造冊發川應俟到日查核各案清楚之日一併彙

題又程如絲任所家產現在搜查但程如絲狡猾異常或別為寄頓藏匿皆未可定容俟臣嚴查明白之日即為造報另

欽定四庫全書

刑部  
卷一百三十二上

題

到有旨

再佛喜於伊交代時查出有應給發而尚扣留在

庫並未入冊者有已派徵竟無存貯者已查明據

實會叅矣現在飭令兩司按款訊取確供應俟供

明之日一面律擬具

佛喜

解部非有緊要詰訊之事應暫留川將伊各案質

題

一面即將佛喜嚴拏解部於別案質審至伊諱隱

對清

楚然後解部為此等負恩辱命之人絲毫不得

丁守

勤餘金一項亦經查叅矣其解金之重慶府

為之

寬恕

同知廖傑現在京城請

皇上

敕部俟佛喜拏解到京之日一併與廖傑質審以

於佛喜

解京之時將此案情由咨明刑部可也

上各款合先陳明其餘地方諸務臣竭蹶駑駘挨  
次辦理其應請

訓旨者容臣節次

奏請可也為此謹

奏

覽

同日又

奏為仰祈

聖鑒簡發能員以裨吏治事伏查川省鹽茶素無成例  
歷來欺隱者不可勝數臣未到任以前已經岳鍾  
琪馬會伯檄查臣到任以後亦屢行催查雖產鹽  
茶各州縣現在紛紛呈報俱謂確無隱遺而自臣  
視之則未敢信其盡實何則蓋歷來章程未定欺  
蔽最易滋蔓已深而根株未易淨除也川省驛鹽  
茶聞葛斗南有病已降旨調用於內矣三項向皆臬司兼管臣見葛斗南之為人持重  
有餘而肆應不足雖非苟且之人而於理繁治劇

之處恐不能拔本塞源若不為之變通特設專員  
則鹽茶舊弊不能悉除是以臣商之督臣岳鍾琪  
具有添設驛鹽道員之奏如蒙

俞允更求

簡賜練達明白勤敏能事之員令其速行赴任乘此諸  
務清查之際力為搜剔庶於一年之內可得大槩  
而酌其因革損益

題請定為章程則商民均便而於

國帑大有增益矣臣受

恩深重諸務惟望速為辦理而鹽茶一項自揣茫然是  
以於

題疏之外又亟為

奏請伏乞

皇上睿鑒施行謹

奏

川省應設驛鹽道一員專司其事准照該撫所請行此

缺將尤清補授該部知道

雍正五年十月初一日四川巡撫臣憲德謹

奏為冒昧陳情事竊臣至愚極陋謬膺重任每遇地方重務仰賴

皇上訓示遵行奈川省去京甚遠凡臣應奏請

聖訓之處甚多每一差家人齎

奏即包程往返亦必須兩月有餘方能到川如有緊急事件未免曠日持久臣請嗣後凡臣奏摺有非

係緊急者臣仍照舊差家人包程齎

奏如遇有緊急事件伏乞

皇上容臣由驛遞咨兵部轉呈

御覽所奉

硃批亦即發於兵部限日遞回則遇緊急事務庶臣可

早得奉

命遵行不致濡滯失措矣伏乞

皇上敕部施行謹



奏

非關軍機重務如何其可

同日又

奏為懇乞

簡選賢員赴川委任事竊查從前奉

命來川委署試用舉人今俱已委署於缺出之各縣試

用尚有富順等縣各缺因無試用之員俱令現任

州縣等員兼攝臣現另疏

題請

敕部銓選伏思四川距京甚遠且現今來川之人民雲  
集其為安插稽查丈量開荒以及改土歸流等件  
皆蜀省現在重務須人料理伏乞

皇上揀選應用州縣能事之員共一二十名即

命來川以便遇缺委任則於地方諸務料理不致乏員  
矣為此謹

奏

於此奏未到之前已諭部矣

雍正五年十一月初六日四川巡撫臣憲德謹

奏為密陳事竊查建昌一鎮乃番夷環遶雜處之地  
所賴鎮臣明決果斷能以威懾蠻情地方始得寧  
謐臣一到川卽聞建昌鎮臣趙儒寬厚過度委靡  
不振彼地番夷每多玩視今歲冕山之役洮岷協  
副將王剛實有力焉臣猶未敢盡信乃邇來訪聞  
得建昌地方十月十一日夜有生員陳萃家被賊

夷偷去牛馬各一頭十三日生員王尊爵同子王  
元敬赴山採樵被賊夷將王元敬綁去將王尊爵  
砍傷幸不致命十六日寡婦邢氏子曾伯同伴七  
人入山砍柴被賊夷數十砍傷二人搶去馬匹衣  
服等物七日之內三次失事則夷人之玩視鎮臣  
信不誣矣臣身任邊疆馭蠻無術揆之職守允屬

曠廢所有建昌現在情形不敢隱蔽惟求

皇上鑒臣曲衷恕臣越分妄言之罪則臣幸甚為此繕

身為封疆大臣似此當言者何為越分贊此一語乃所

謂妄言也

摺密陳伏乞

睿鑒謹

奏

將此情節密令岳鍾琪知之爾等督撫共事一方當同心合德彼此視為一體方於地方有益若互相隱瞞則必致誤事矣

同日又

奏為請

占事竊查川省田糧歷來欺隱者甚多近來雖有報增亦不過少為塞責並未儘數首報茲自督臣岳鍾琪前撫臣馬會伯實力勸諭是以今年報增之數較之往年倍加增益矣前據溫江等五十州縣首報糧銀四千三百五十兩零隨經臣

題請照例於本年徵收在案嗣於雍正五年七月初五日准戶部咨開內閣交出為各省已歷未報田畝奉

上諭朕特沛寬大之恩准各省官民自行出首將從前  
侵隱之罪悉從寬免其未納之錢糧亦不復追問定  
限一年令其首報統於雍正七年入額徵解倘逾限  
不首後經查出在官在民定行從重治罪著各該督  
撫轉飭地方官通行曉諭等因欽此臣即檄行布政  
司轉飭各屬大書告示遍貼城市鄉村廣為曉諭  
去後茲據布政司詳稱今歲各屬首報田糧共應  
徵銀一萬五千四百兩零先據溫江等州縣送到

茅冊共應徵銀四千三百五十兩零米五十石五斗零已經詳請

題明在案尚有未經送到茅冊之各屬共應徵銀一萬一千六十七兩現在檄行催造第恐內有七月初五日奉文以後首報人戶雜入冊內未經分析相應通飭各屬將未經奉文以前者仍以詳請通飭等事齎送其應徵銀兩隨冊批解所有奉文以後首報人戶應飭知摘出另造清冊填註欽奉



上諭事註語統入雍正七年徵解理合詳請核奪以便  
遵從等情到臣臣惟川省隱田較別省不同別省  
之欺隱不過十之一二而川省之欺隱則所在皆  
有且俱隱匿有年又非若他省之初墾隱漏者比  
也況本年首報之戶事同一轍其先行首報者業  
已

題請於本年徵收而後報人戶反得於雍正七年徵  
收是延挨後報之戶更邀

恩於急公先報之人矣臣之愚見既蒙

皇恩寬其從前欺隱之罪則續行首報之糧亦應一例  
於本年起徵庶歸畫一但臣愚昧之見未敢草率  
具

題合先奏請

皇上指示以便遵行謹

奏

所見甚屬公當具疏題奏可也

同日又

奏為欽奉

上諭事竊臣接准部咨奉

旨程如絲名下應追贓銀甚多其原籍家產交與浙江  
巡撫李衛查明其任所貲財交與四川巡撫憲德查  
明勿令絲毫隱匿欽此臣即檄行布按二司并遴委  
賢員協同將程如絲任所所有貲財嚴行搜查臣  
復親加查訊除搜查過任所貲財現在封固造冊

送部另疏具

題外查程如絲原籍家產蒙

皇上諭旨雖交與浙江撫臣李衛查明但程如絲現在川中其原籍家產實有若干之處似亦應於本人是問臣不敢謂已交浙撫自避越俎之嫌是以提取程如絲到案當堂逐一審訊據程如絲供犯官弟兄三人原籍有當舖三所犯官父親將湖州府城內源益字號典一所分與犯官名下二胞弟分

得在德清縣榮萬字號典一所三胞弟分得在崑山縣東昇字號典一所其典中本錢因浙地出當絲米本利消長無定難於懸擬犯官所託管當人是姪子程厚并友人王名卿典中銀數分毫皆有賬目一查便知不能隱匿犯官典房及二弟典房俱自置買的惟三弟典房係賃租的住房也是租的至家中田產記得有金柯地方山莊一所此外記不清了再詰其原在典中本銀與歷年贏餘利

息及房屋山莊價直并此外另置產業若干豈有  
不知數目之理再將此處逐一嚴訊據供犯官源  
益典內本銀原有二萬兩但每年所餘利銀消長  
不一實在不知確數至房屋山莊價直并此外有  
無另置產業犯官自幼在家讀書原不經理家務  
今出門日久實在記不清楚等語據此查程如絲  
所供原籍家產雖無實在確數據伊大畧如是其  
中有無捏飾隱匿情弊應聽浙江撫臣查勘外所

有臣查訊緣由理合奏

聞謹

奏

知道了其原籍家產既經詰訊應將所供備錄咨明浙撫

雍正五年十一月十八日四川巡撫臣憲德謹

奏為陳奏事竊臣愚昧不職上負

聖恩致重犯程如絲在監自縊不但無以仰對

君父即撫衷亦不堪自問矣雖前據實

若於此不愧非具人心人面者矣議處自有定例待罪

題請交部嚴加議處以懲不職而輟轉自思寤寐不

固不待言奈天下人恥笑朕殊為汝難堪如不能究出

安惟有俯伏待罪日增愧懼耳茲併奏

傳遞消息之人嚴處示懲此撫任猶可忝居乎

聞者學臣宋在詩十月以前所考生童俱各取贊儀二

兩至四兩不等以供食用自十一月以後經臣向

伊當面議定歲給養廉三千兩其銀係撫臣衙門

養廉內出二千兩布按二司湊出一千兩按季捐

給至其船隻馬匹仍令地方供應蓋四川僻壤居



多恐雇覓有誤也合併奏

聞謹

奏

知道了

雍正六年正月二十二日四川巡撫臣憲德謹

奏為奏

聞事竊惟上年川省收成頗稱豐足因商販絡繹買運者不可數計以致秋冬之間米價漸長先據重慶

等處地方各官將販運甚多致昂米價等情具報  
到臣臣因遏糴阻運久奉

嚴禁在案是以飭令照常販運不許阻遏去後詎入冬  
以來重慶二府米價甚是騰貴不但該地方文員  
節次申詳復於十二月間據重慶鎮臣任國榮及  
提臣黃廷桂俱移咨到臣內稱遏糴雖奉

嚴禁而救弊尤貴變通今川省米石外省之人販運甚  
多若不急為籌酌必致兵民俱受艱窘等語臣思

凡事不可膠固原當相機合宜權其輕重緩急而為之  
地方民食關係緊要故萬不得已於十二月間行  
也川米應如是暫禁糶販俟價稍平仍即弛禁毋得過  
令該地方官暫行禁止所有暫禁緣由臣不敢不  
過

據實奏

聞抑臣更有請者川省各屬倉糧現在分委各道府親  
往盤查已據永寧松茂二道所轄等處具報俱係  
實貯在倉並無虧空雖川東建昌所轄之處尚未  
報到諒亦實貯無虧臣恐三四月間米價仍貴請  
於青黃不接之際將所屬倉貯米穀酌量發出平

糶以濟民食俟秋收照數還倉如蒙

俞允或遇應用之時臣一面徑行發糶一面具疏

題報合先陳明請

是

旨以便遵行再備兵接運之糧石已於正月二月內自

嘉定雅州等處陸續輓運矣其口外購買炒麵雜糧等項亦已委員前往備辦至所買出兵馬匹現今交收未完約於二月初旬俱得齊備矣惟思臣標官兵五百名係派為沿途護糧安站而設現今

輓運軍糧採買炒麵等處俱需官兵護送若與大  
兵同進恐致遲誤臣已於正月二十日令其先後  
起程除另疏

題報外合併陳明謹

奏

據奏派遣撫標官兵已令其先後起程等語類斯軍需  
事件非爾所素諳當與岳鍾琪熟計而行方是今不候  
大兵遽令早進邊外青草尚未生發倘致牲畜倒斃寧

不誤事乎似此亂舉朕甚憂之況此等事朕經有旨悉令岳鍾琪督理而摺內乃竝不言及曾否與岳鍾琪咨商會同派委之處朕不識爾此舉係遵朕諭或奉部文抑或竟出已見及准岳鍾琪之咨移而行也朕如何批示

同日又

奏爲據實陳情事竊臣前奏

聞建昌賊夷屢行刦竊一摺奉有

硃批臣遵即將從前屢劾情節及現今網去之人已經  
追出剗去馬匹已經得回而首犯尚未弋獲等事

補行寄知岳鍾琪矣現令辦理軍務糧運一切事  
既如是言而又遣發標兵一摺之奏是何說耶  
宜或咨商或寄商或遣員專商不一臣焉敢不仰

體

皇上同心合德之

訓旨致誤

王事也再臣奏

聞程如絲在監自縊一摺奉有

硃批嚴旨臣跪讀之下魂膽俱喪俯伏自思置身無地

臣蒙

朕類斯擢用之人頗多負恩者亦復不少其他且置弗

皇上洪恩畀以封疆重任雖捐糜頂踵無以爲報而才

論止據川省而言佛喜程如絲蔡珽等輩當日未嘗不

如是數陳較爾奏詞更爲懇切此等空文何益之有但

欺隱而已臣與程如絲輩毫無干涉寧肯爲人隱

以實行爲要勉之勉之

飾自取罪上之罪乎現今率同管承澤尤清等反

管承澤尤清俱係中平之人非可坦然倚信者其才具

復研訊一獲實情即當據實具



亦如之奏但臣到川以來留心體察貪劣屬員疊經特叅附  
自應策其後效為是設將舊者槩叅新者豈能盡優耶  
人才難得全在兩等督撫善能培植當效法鄂爾泰田  
文鏡去其最下者而雕琢中材斯不負統率之任若不  
論事之重輕過之大小稍有舛誤輒行叅黜欲盡得能  
憂刻無寧息者也臣蒙  
皇上之恩淪肌髓明照幾微臣何人斯敢萌畏難偷安  
若泣政何如將來可以造就與否槩予姑容以沽和平  
長厚之名其罪又更不容誅矣總之秉公察吏精勤不  
據實上陳於

懈復能訓導屬員為國家作養人才乃封疆大臣之第  
君父之前抑臣再有請者奉

一要務勉之

旨程如絲著即處斬部文到在十月二十九日而京報

之小鈔到在前五天十月之二十四日部文單行

臣署臣得而密之若小鈔則川省之文武大小各  
衙門皆有一齊俱到一看皆知則是程如絲斬決  
之信在部文未到之先已宣露五六日矣通省有  
憑有據臣寧敢捏

奏乎且程如絲等詭詐莫測小鈔之前遽得的信亦

未可定總之監內防範如果嚴密伊亦烏能自縊  
臣之所以陳此者不敢推京鈔圖謝一已之罪而  
京鈔漏洩之弊若此不得不直為

皇上陳之以臣愚見不若將提塘一項盡行除革各驛  
量加夫馬一應公文總自部收部發公文箱內不  
許容帶私書或可少杜漏洩之弊如果臣言可採  
伏乞

皇上敕部議覆施行謹

奏

小鈔之洩露朕未料及候再為斟酌降旨諭部

同日又

奏為據實奏明事竊照外省督撫衙門除額設經制差承而外尚有吹手執役人等在所必需臣前在湖北撫任時俱係屯丁應役及到川省聞知陝西督撫衙門亦係屯丁承克而川省緣無屯丁是以撫署雜役人等歷係本標兩營兵丁撥克此等人

役名雖兵籍身隸公門祇知食糧領餉並不差操  
臣思衙門各役固不可少而額設標兵豈可濫充  
虛應臣擬將臣衙門現在各役內凡係兵丁撥充  
之人悉令歸伍以足原額至臣衙門應用人役擬  
輪流承值殊非長計且有許多不便處當另為籌畫  
於各州縣現役內每縣量取一名聽其輪流承值  
以供差遣如此庶公務不致遲誤而營伍亦無虛  
糜缺額之弊矣理合據實

奏明伏乞

皇上睿鑒施行謹

奏

以營兵充役直省多有此弊悉令歸伍甚是近日據塞  
楞額亦奏聞撥站之兵一事爾其秉公斟酌料理可也

同日又

奏為請嚴懲提塘指撞以肅法紀事竊查戶刑二部  
飯食銀兩已經

奏明由各省巡撫衙門給批解部者正以杜此外私

相與受之弊也先於上年三月內川省解送刑部  
飯銀一千兩該提塘謝廷傑竟敢於此內扣剋二  
百兩後因刑部行文催取該提塘不能隱飾具稟  
到臣經臣移咨兵部斥革提塘並咨刑部嚴拏究  
追在案嗣又據成都府知府王凝詳稱佛喜指奏  
銷部費濫派各屬亦經臣據詳

題叅現在審擬是以上年奏銷之期臣僅給批解戶  
部飯銀一千三百兩其餘布政使管承澤並無額

外多給至於驛站奏銷行據按察司覆稱訊之經  
管各書役人等供稱向來並無解送飯費今乃有  
該提塘謝廷傑等具稟內云戶部奏銷飯銀除批  
解一千三百兩外另有費銀一千六百兩又稱驛  
站鹽茶奏銷向有飯費銀八百兩各處催逼甚嚴  
懇賜給發等情到臣以及藩臬兩司臣思此事必  
係在京提塘串同部吏作姦侵蝕情弊臣不敢隱  
匿理合據實具



奏伏祈

皇上敕部嚴懲飭禁施行謹

奏

此奏甚屬可嘉如此方是天下督撫悉肯如是居心何  
愁不奏弊絕風清之效也已交部嚴察矣

雍正六年三月初二日四川巡撫臣憲德謹

奏為奏

聞事竊有奉

命來川查勘地畝之高維新等大小各員已於二月內  
先後抵川伊等當即掣定地方協同川省四道各  
為分理其一應查勘事宜臣現在一同悉心籌議  
務期流土胥安以副

皇上視民如傷之至意又准楚省督撫臣邁柱等節次  
委員攜銀來川招徠情願回籍之楚民交該委員  
給發口糧送回原籍安業是今入川人民去留俱  
得安堵不致有流離失所之虞矣臣恐上厯

聖懷理合繕摺奏

聞再川省自冬至春雨水調和現今豆麥暢茂春收豐稔可期合併奏

聞謹

奏

覽奏深慰朕懷但不可肆志當愈加寅畏正已率屬以敬迓

天庥

同日又

奏為請

旨事竊照建設城垣乃護民之保障遇有坍塌之處自應及時修葺以壯金湯查潘州兩河口城垣營房經臣

題請動帑興修已蒙

俞允嗣因川省安插流民與備兵進藏等事恐一時不能兼顧且彼處尚未駐劄官兵是以復請暫緩興

工至松潘城損壞處所亦經督臣岳鍾琪

奏准補修隨委員查丈確估去後續據該委員詳稱  
松潘城堡估計銀七萬一千有奇又據夔州府詳  
稱夔郡城垣週圍一千零三十丈僅存十之一二  
其餘頽塌無存約估工料銀四萬兩有零又准建  
昌鎮咨稱建昌衛城垣倒塌數處亟宜修理等因  
又據成都府知府並城守營叅將報稱成都省會  
之城垣垛口以及馬道礮房等倒塌處所臣屢行

駁查令核實估計銀三千餘兩臣以省城所費無  
多現於歸克公項之鹽茶羨餘銀內飭令驛鹽道  
動支修葺無庸請帑所以未經

題報應俟工竣統奏用過歸公銀兩數目之時核實  
入

奏其餘各處動關數萬餘兩現今備兵進藏及安插  
流民等事帑項需用浩繁伏思正定永平等處俱  
蒙

皇上發有修城效力之員臣之愚見懇求

皇上遇有應發效力之人乞

現在無人可發向後亦恐未必有應發之人不肖之員  
敕發來川令其捐修效力庶帑項不致糜費而疆圉得

何容

其止於效力也  
有攸賴矣是否可行伏乞

皇上訓示容臣另將應修各城工緣由繕疏具

題為此謹

奏

覽

雍正六年四月初二日四川巡撫臣憲德謹

奏為奏明事竊查四川巡撫衙門向有健丁名糧八十分歷來俱捏開撫臣家人姓名造冊報部以作養贍家口之資自康熙六十年經年羹堯條奏請撥滿洲間散四十名在巡撫衙門學習事務將此健丁八十名內開出四十名令伊等頂補其餘四十分糧仍係撫臣衙門支領臣查從前巡撫衙門之有此健丁名糧彼時因未議給養廉今蒙



皇恩溥及臣等俱賞有養廉則衙門用度已敷臣請將  
臣衙門健丁名糧四十分悉行開除召募新丁頂  
補原額歸於兩營入伍差操庶軍務得收實用錢  
糧不致虛冒矣俟奉

旨俯允到日臣即召募額兵另造花名清冊送部其餘  
四十分名糧現係滿洲餘丁頂補理合據實陳明  
謹

奏

督撫衙門此數十分名糧可以不用理應開除歸入營伍但爾此舉係效法布蘭泰之行事不得已而後奏請也

雍正六年六月初四日四川巡撫臣憲德提督臣黃廷桂謹

奏為奏

聞事竊臣等於本年六月初三日據上年差往义木多坐臺探聽西藏信息千總吳鎮稟稱五月二十日

有駐藏之馬兵黃正文齋到

欽差大人奏摺三件清字咨文三角除周大人咨文一角千總派兵由藿爾一帶迎投外達賴喇嘛奏匣一封顏叅將稟報二封到义木多千總當即派撥臺兵通事等限一日一夜飛遞乍鴉併傳知乍鴉及巴裏二塘外委隨帶通事蠻人等定限六日飛遞打箭爐由驛呈投憲轅再千總接顏叅將來字云黃正文齋來

奏摺乃係達賴喇嘛於五月初五日特差阿爾布巴  
即噶隆貝子同角木隆堪布親迎周大人緣由著  
千總暗暗偵探果否迎接恐人心難料即著千總  
覆知該叅將等語復據黃正文口稱噶隆貝子於  
本月初四日晚三更即便起身次日大人方知正  
文行至綠馬嶺遇見噶隆在彼劄營等語千總查  
綠馬嶺至工布江達計程八十里由西南進去即  
係噶隆巢穴噶隆既係達賴喇嘛差迎周大人何

得乘夜潛行其中不無疑似千總當即選派通事  
給付盤費前去工布一帶假以接彼為名探聽虛  
實另行稟報去訖等因到臣等該臣等看得藏內  
事宜

欽差已經奏

聞今據千總吳鎮所稟則是噶隆貝子已離藏遠來其  
途中情形駐藏諸臣似難盡悉是以臣等先將原  
稟恭呈

御覽嗣後該千總探確一有稟報臣等再行馳

奏除專差寄知督臣岳鍾琪理合彙摺奏

聞再臣憲德更有請者前因大兵起程進藏又兼烏蒙  
進兵兩路軍需浩繁川庫各項撥供銀兩除動發  
之外所存恐將來不敷支用已於四月內會同督  
臣合詞具

題請酌撥預備軍需銀兩迅解來川以應供支續又  
有喇汝窩雷波等處發兵征勦建昌添設新兵等

事伏祈

皇上敕部速撥軍需銀兩解川以備供支謹

奏

覽奏俱悉撥餉之事已諭部矣

雍正六年六月二十九日四川巡撫臣憲德提督

臣黃廷桂謹

奏為奏

聞事雍正六年六月二十九日據駐藏陝西莊浪營叅

將顏清如稟稱本年五月二十一日戌時據阿爾布巴等報稱有頗拉奈帶兵七千有餘由楊八景曲暑等五路前來等情卑職隨具稟督憲在案於二十五日有頗拉奈果領兵由盤玉溝突出至噶巴下營先發兵千餘來攻藏東十五里之噶木旁卡子當有隆布奈領兵拒險堵戰伊等即請卑職同二位大人俱親臨目覩自午至酉未見勝負卑職隨同二位大人令隆布奈好生謹守卡隘卑職



等即回西藏於是夜有西藏在卡各兵悉行歸順  
頗拉奈裏應外合於二十六日辰時頗拉奈統兵  
奪卡至藏隨令各兵將布達拉週旋圍住於二十  
八日有各寺喇嘛已將阿爾布巴隆布奈札拉奈  
三人獻出交頗拉奈收禁頗拉奈即帶隨從前來  
向二位大人陳情令二位大人現在將頗拉奈恭  
順至藏拏獲兇首情由商議具

奏外所有前情卑職合先稟明等情到臣據此理合

馳

奏伏乞

聖鑒謹

奏

據奏駐藏叅將稟報情形深慰朕懷

雍正六年八月二十六日四川巡撫臣憲德謹

奏為覆奏事竊臣奏請將臣衙門歷來克役之撫標兵丁盡令歸伍擬於各州縣現役內各取一名在

院輪流承值一摺內奉

硃批輪流承值殊非長計且有許多不便處當另為籌畫欽此臣查川省自駐劄滿兵以來所有副都統衙門雜役人等歲需工食銀兩歷年係於成都府稅銀內支給臣因各關稅銀奉

旨儘收儘解未便仍於稅銀內動支隨與督臣岳鍾琪從長酌議查川省各官養廉內有離任之員而接任官未及到任之日尚有截曠銀兩一項原令布

政司清查季報以克本省公用之需是以副都統衙門雜役工食銀兩議於此項截曠銀內支給今臣衙門各役內查吹手人役凡行營操練之際原有伊等吹手應差者無庸更換外其餘所克傘扇執事等役之兵丁緊令歸伍差操臣另行召募人役頂補承值其所需工食銀兩臣請亦於各官養廉截曠項內動支給發庶免派擾之煩亦無更換之累矣是否允協伏祈

皇上批示遵行謹

奏

所請可行將此項銀內動支若干數目彙入該省公用冊內報部可也

同日又

奏為恭報秋成事竊查秋成分數理應

奏報茲行據布政使管承澤詳報成都夔州二府屬收成八九十分不等其重慶保寧順慶叙州龍安

遵義等府及嘉眉邛雅潼瀘資綿等州建昌松潘  
等處所屬之衛所各報秋成自七分至八九十分  
不等總計全川歲登大有萬姓盈寧現今成都所  
屬米價倉斗每石僅五錢五分零臣恐上廩

聖懷謹此繕摺恭

奏再本年五月間松潘茂州等處山水陡發衝壞橋  
路數處臣隨會同提臣派遣文武員弁前往踏勘  
併飭布政司於公項內動銀六百兩酌交松潘鎮

臣差員修理早報完固都江堰口亦少淤塞臣親往灌縣率員鳩工尅期疏濬田禾人畜並無傷礙

合併奏

聞謹

奏

覽秋成分數米價情形朕懷深慰

同日又

奏為敬陳管見事竊川省歷來鹽茶二項大有欺隱

臣恐臬司兼理未必能搜剔根株所以臣一到川  
任即

題請另設專員以司其事已蒙

恩准敕令尤清來川專管鹽驛該道到川已踰半載臣  
查雍正五年鹽茶正項照額已交司庫現今查出  
耗羨銀兩除

奏明賞給督撫及該司養廉數外餘已解交藩庫充  
為軍需等公用者二萬餘兩較前固已增加然就



鹽而論尚不可信無贏餘至就茶而言更難稽查不但臣固茫然即專司之該道亦毫無端委也查現今增出數目不過據各屬之自行首報若有隱匿不報者亦無從搜查臣細思其故蓋一人不能遍行州縣挨查之故耳今科道高維新等在川辦理丈量一事甚屬盡心以臣愚見若令伊等各於分行查丈之時併將鹽茶二項乘便挨查則其所產實數若干官引之外有無私行所納引稅曾否

盡報自能徹底清出但又添查鹽茶未必不耽延  
時日然一勞永逸惟求

皇上寬予限期庶積弊可清章程一定則奉行亦易矣  
臣之管見如斯未知可否倘蒙

恩允伏祈

皇上特諭施行謹

奏

此奏不是矣川省鹽茶二項既經特設道員專司其事

自應責成該道令其公勤督察期於清楚倘不能勝任  
即屬溺職當予叅黜另用賢員今乃言該道亦茫無端  
委則設立專官何所爲耶至於差往科道京員係爲清  
理地畝以息豪強之爭奪兼安插流民使之得所儘足  
辦理矣若又將鹽茶等事交與經營便寬予期限豈如  
該道之久在川省可比稽查過於緊急必致騷擾民間  
滋生事故脫有遺漏將來反得推卸欽差且據汝奏內  
搜查挨查之說更屬妄謬鹽茶積弊相沿已久自應商

酌從容清理之法安可如此嚴急從事況今現有苗疆  
定界西藏運餉諸務何一不資地方辦集觀汝一切料  
理處過緊而欠通變只圖己身免咎而已不肯擔承利  
害實心任事於此一奏心行畢見非朕委信之意也嗣  
後當深以為戒諸凡必籌畫始終萬全方可舉行即欲  
秉公執法亦非可乘一時高興率意而為之者敬之勉  
之

雍正六年十一月十六日四川巡撫臣憲德謹

奏為士民感沐

皇恩樂輸軍糈事今歲川省辦理西藏烏蒙各路軍糈俱先將附近州縣倉穀碾運至秋收動用軍需銀兩買補還倉經臣

題明部議允准除辦米州縣已自倉領穀碾運者現在發銀催令買補外有成都府屬之崇慶州原於碾辦之時傳令里民領穀碾辦據各里民詞稱各家俱有現食餘米可應軍務若領穀碾辦恐致遲

誤不若先將各家現有之米攢湊應付其穀石暫  
貯在倉俟用時取領等情申報前來臣隨檄令百  
姓照數領穀官吏毋得遲累侵扣去後茲據成都  
府詳稱據署崇慶州申報該州紳衿士民舉人李  
清霖等詞稱崇慶州僻處川西仰沐

聖祖仁皇帝六十餘年

深仁厚澤淪肌浹髓復逢我

皇上繼統以來勵精圖治念切民生是以雨順風調年

登大有茲因西域小醜未平更值南川苗夷狂悖  
致勞

王師所有崇慶州先後共計攢湊過軍需米一千五百  
石屢奉諭令里民花戶人等赴倉領穀但霪等受  
恩深厚願效涓埃已攢之米俱踴躍樂輸應領之穀乞  
留倉積貯等情疊次聯名具呈不已臣不敢壅於  
上

聞為此據實陳

奏伏乞

皇上睿鑒施行謹

奏

覽崇慶州紳士里民樂輸情詞朕甚為喜悅另有施恩諭旨由部頒發文到之日備將朕意宣示可也

硃批諭旨卷一百三十二上



欽定四庫全書

史部

硃批論古卷一百三十二中

臣 永瑤 恭校

編修臣 裴謙 覆勘

總校官中書 臣 朱 鈐

校對官助教 臣 卜惟吉

謄錄監生 臣 張同履

欽定四庫全書

硃批諭旨卷一百三十二中

硃批憲德奏摺

雍正七年正月二十四日四川巡撫臣憲德謹

奏爲恭謝

天恩事竊臣齋摺人回恭捧

御賜臣福字一幅貂皮二十張平安丸一千丸風羊一

隻哈密瓜一箇到臣隨恭設香案望

闕叩頭祇領訖又接家信知臣次子查哈燕蒙

天恩特授佐領聞

爾祖博博圖豈俟汝之追誦耶朕大笑覽之所以祖父命之下舉家虔叩感激難名伏念臣曾祖博博圖自科有可稱述至後世子孫何等光榮若祖父無良雖孝子爾沁地方於

太

慈孫言及亦覺靦顏於此人人當深思奮勉者汝宜效法汝祖之行為將來傳之子孫顧不美歟勉之

龍以來一門世受

國恩永世已難圖報兼之臣本庸愚謬膺重任未有寸長之效每多叢脞之尤荷蒙

聖主洪恩格外矜全寬宥復邀

殊寵洵加及於臣子臣父子雖捐糜頂踵亦不足仰答  
萬一惟臣子查哈燕年幼質愚未曾經歷世務而  
於鞍馬奔走之役尚堪驅策若在旗下行走終屬

安閒懇乞

所請是候朕酌量有旨

聖主天恩賞令在拜唐阿差使上行走俾得觀望學習

少效犬馬則不但臣父子荷沐

生成之恩卽臣之祖父亦重沾

高厚之恩於靡既矣爲此繕摺恭謝

天恩謹

奏

覽

同日又

奏爲奏

聞拏獲重犯事雍正六年十二月二十三日據直隸達  
州知州孫廷正報稱拏獲遊僧一名正空本名淨

一道人係奏請誅大逆案內通緝查拏之犯相應  
詳報等情前來臣隨批行按察司飛飭會委文武  
官弁多撥兵役嚴行押解至省遵照原行部議委  
員解部并備原供飛咨刑部外相應奏

聞謹

奏

據奏已有旨諭部矣此等莫視為偶然倖致若非上邀  
神明許一是字不能有此事機巧會也勉之勉之聞南川

縣令王國定聲名甚劣爾其詳加察訪果係劣員援旨  
嚴叅示懲如風聞之言不實其人猶有可取處毋令橫  
被冤抑又諭

同日又

奏為據實補奏仰祈

聖鑒事竊查崇慶州紳衿士民樂輸軍需米石經臣據  
情

奏請荷蒙

恩旨將崇慶州雍正七年分額徵錢糧全行蠲免此  
聖主特施之洪恩從古未有之曠典也臣隨欽遵

諭旨傳集崇慶州在省之紳衿士庶及本城官民人等  
當面詳悉宣布

聖意並令成都府知府王潯親往該州遍行曉諭茲據  
闔州紳衿士庶歡呼感戴踴躍環籲呈請叩謝

天恩除另疏代

題恭謝外臣查先於上年九月間有瀘州里民王在



廷曾經具呈該州據稱

皇恩浩大歲值豐登各民俱有餘穀今攢湊軍糈情願捐輸不領倉穀等情由司轉詳到臣臣因建昌永寧各路軍糧多出深山峻嶺俱係派撥就近州縣里民背運自到站背米之日始發運價其餘往返盤費以及鞋脚衣物皆里民自備而瀘州里民亦在派撥之內臣愚意謂不便再令捐輸是以好言獎其急公未曾允其所請亦未代為奏

聞後至十一月又據崇慶州里民具呈樂輸臣查崇慶州並未派夫背運故敢據情奏請一同急公樂義之小民臣並不敢岐視有奏有不奏也今蒙

聖澤覃敷

恩施格外是以臣將從前瀘民急公報效之誠臣先未曾代為轉奏實情不敢不補行奏

聞為此謹

奏

補行奏聞始不沒瀘民急公之誠朕嘉是覽之君臣之間惟貴真實相孚凡涉矯情回護皆屬不忠其中設有干礙政體民情處不妨於大廷廣衆中斟酌講求以期盡善股肱心膂之間何嫌何疑之有所事候旨諭部

雍正七年二月初十日四川巡撫臣憲德謹

奏為密行奏

聞事竊查川省丈量地畝一事於雍正六年夏間未曾開丈之先御史吳鳴虞即頒示松茂道屬之州縣

明朝原納錢糧舊額數目諭令復額臣以丈量地畝必俟清丈之後計其增出之數諭令百姓輸納錢糧自然俯首無詞若未行丈量先開明時額數期以復額而止是查丈端為復額矣且川南川東等處同一丈量並不言及復額獨川西一隅為然百姓未有不驚慌者臣即面會該御史婉言致之復額之舉因為中止續於開丈之初又出一告示諭令百姓各將屋基墳墓界埂水溝園林五項一

體丈量輸納

臣

查川南川東等處俱除此五項免

其丈量百姓帖然今松茂道屬獨加丈此五項無

惑乎百姓之皇皇也

臣

隨面商該御史議令免除

獨園林一項零星者免丈若有成塊廣種之地則

所產較田畝更肥相應一體查丈

臣

另通行告示

外屢據護松茂道事成都府知府王濬稟稱該御

史種種苛索政聲狼藉民怨沸騰等情至新任松

茂道高紱到任後面稟亦與王濬約畧相同與

臣

訪聞無異茲於本年二月初十日又據高紱王潯等稟稱御史吳鳴虞於各州縣丈量時並不用各州縣之弓算手惟用伊所挑定弓算手數人帶往任意丈量凡查丈之處每畝索銀五釐係弓算手經收與伊家人分得地方官不能申禁並各開呈該御史賊劣款蹟到臣臣不敢壅於上

聞謹將高紱王潯所投呈詞繕摺密

奏伏乞

皇上睿鑒施行謹

奏

不徇不隱殊屬可嘉已有旨矣

同日又

奏為奏

聞已叅之知府通揭鎮臣事竊臣查保寧府知府吳應  
濟於上年冬月奉委前往松潘料估城工不意在  
彼敗行多端物議沸騰甚至釀成人命已故守備

馮國禮之妾何氏及何氏之子馮君詔二人身死  
不明案據何氏長子生員馮君裕告發臣於正月  
二十六日具疏

題叅矣詎料伊自所知犯之法決無不叅之理即於  
臣拜疏

題叅之日忽以松潘鎮臣張元佐修葺住宅私用倒  
塌城工磚石等事通揭到臣臣伏查鎮臣張元佐  
如果有私用城工磚石之事吳應濟在彼查勘時



何無一言申報即回省半月有餘經臣幾次當司  
道面前問及城工併何氏母子身死等事亦未言  
及一語其通揭呈詞毫未切實所有吳應濟通揭  
鎮臣張元佐情由臣不敢隱蔽謹另繕摺附呈  
御覽伏乞

皇上睿鑒批示遵行謹

奏

此奏是已有旨矣

雍正七年二月二十二日四川巡撫臣憲德謹

奏為據揭陳奏事雍正七年二月二十日據成都府  
知府王潯詳稱四川學政宋在詩於本年二月科  
試成都府十七日考試成都縣文章首題出子欲  
居九夷或曰陋如之何子曰君子居之何陋之有  
題面生疎罔顧諱避卑府職司提調曷敢緘默不  
言理合據實開揭等情嗣准宋在詩咨稱視學全  
川歲科兩考以及觀風月課覆試補考拔貢歲貢

並武生武童出題約有數千既避前院已出之題  
又避各府州縣之題又避極熟習易於鈔襲之題  
是以不能字斟句酌使皆歸於冠冕等語臣不敢  
隱蔽為此據實具

奏伏乞

皇上睿鑒施行謹

奏

經書中類此等句有何可避諱處乃王潯多事過於苛

求耳當再三訓飭之但宋在詩係無能為之人恐於整飭學政約束士子處善柔沾譽因循委靡之疵或不能免兩年以來聲名何如據實奏聞

同日又

奏為請

旨事竊臣准川北鎮臣張成隆咨稱雍正七年二月初八日據巡查兵役等報稱府城內外百姓因聞保寧府知府吳應濟被叅各街舖面俱各關閉未開

等語據此當經傳諭閭中縣吩咐照常開張訖隨  
於初九日據郡城內外商民百十餘人具詞籲懇  
轉請

題留前來除將罷市請留情由並呈咨督提外相應  
咨明等因到臣看此罷市籲懇請留是臣之

題叅吳應濟似有冤抑情事臣不得不據實陳之查  
吳應濟居官甚屬平常臣於雍正六年九月初八  
日接奉甄別知府之

上諭後不數日內臣即寄札於督臣岳鍾琪云保寧府知府吳應濟察吏之才似屬不足相應

題請改補督臣亦札覆云吳應濟現在委赴松潘查勘城工將此缺預選賢能二員擬定正陪即為示知俟吳應濟事竣之日再為斟酌保

題改補等語是吳應濟之才力不及方在督撫議欲遵

旨題請改補之內有何德澤深入民心直至罷市具詞

籲懇題請也且何氏母子身死不明一案現有屍  
子馮君裕指名控告臣身任封疆寧有遇如此事  
件而不據實

題叅者乎至臣之與松潘鎮臣張元佐雖同任西蜀  
從未覲面祇以張元佐勤敏誠實馭兵有方臣深  
重之歲時往返修書致意而已吳應濟在松潘之  
敗節汚行張元佐身在地方難容緘默寄札與臣  
督撫能不袒護屬員肯與鎮臣協和乃極美之事  
情實有之然在該衛業已申報司道早經面稟祇

於此一事即少涉偏聽亦不為過何況出之秉公執正  
以封印之際未暇出本是以開印數日內臣即拜

耶

疏

題叅是臣之叅吳應濟緣伊自為招尤屍子指名控  
告初不在張元佐之寄札與否也伊乃疑係松潘

鎮臣張元佐寄信與臣始

已有旨不令察究矣張元佐原係直性武人有為之好  
題叅所以於臣具疏之日伊即通揭張元佐謂擅將  
總兵朕雖未與謀面深知其人汝論甚屬公當  
倒塌城垣之磚石修葺私宅等情其姦其險又不

可問矣今又有保寧罷市懇留吳應濟一事臣不



敢謂必係伊之賄囑指使然臣亦不敢盡信謂必

非伊之賄囑指使也總之此事若令臣審擬則伊

少存

私意則

不可

審理矣

如虛公

聽斷何

不折服

之有

必謂臣

冤抑

但

據實查

訊確情

具奏以

聞

題叅於前繼又冤抑審擬於後無以折服其心口臣

懇乞

皇上另派賢員秉公審理自必水落石出如果臣有冤

抑

題叅知府之處臣罪自不容逭無庸臣之置辯也至

罷市保官前經數次嚴諭禁止即無賄囑情弊亦屬悖  
於罷市留官即非伊之賄囑指使而惡習刁風已  
旨此等刁習萬不可令其滋長一併嚴審定擬具奏  
干法紀臣現批司嚴行查拏倘係伊之賄囑指使  
欲為撫臣冤抑

題叅之證據其情更堪髮指統祈

皇上睿鑒施行謹

奏

覽

雍正七年四月初二日四川巡撫臣憲德謹

奏為奏

聞雨澤事竊查川省自正月以至三月雨水調勻春花  
茂盛及今二麥漸次登場已見春收豐稔農人皆  
趁此雨澤霑濡土膏滋潤之候播種耕耘及時力  
作伏思我

皇上念切民依時廛

聖慮今雨暘時若皆我

皇上重農貴粟有以感召

天和故雨澤頻施為春田長養之資以慰

聖天子祈穀祈年之意也所有川省今春雨澤霑足緣

由理合奏

聞謹

奏

秋收後方可言其必然也今但益加誠敬以迓

天庥切勿稍有肆志

同日又

奏為遵

旨覆奏事竊

臣

前奏拏獲淨一道人一摺內奉

硃批聞南川縣令王國定聲名甚劣爾其詳加察訪果係劣員援旨嚴叅示懲如風聞之言不實其人猶有可取處毋令橫被冤抑欽此臣查南川縣知縣王國定原係貪劣之員先因縣民王朝宣將糧民程自玉等墾熟田地捏報荒田赴縣請照認墾王國定得贓給照後被告發經臣於雍正五年十一月具

疏

題叅奉

旨草職審擬於雍正六年五月審明得贓并縱容家人  
衙役勒索婪贓是實已照律擬

題准部覆奉

旨依議欽遵發落追贓訖於雍正六年十一月初六日  
給咨押解遞回湖南永州府零陵縣原籍在案理

合回

奏伏乞

皇上睿鑒施行謹

奏

此案朕偶爾遺忘今覽奏已悉從來是非原有公論即此亦可見人言之不謬也

雍正七年五月二十二日四川巡撫臣憲德提督

臣黃廷桂謹

奏為奏

聞事雍正七年五月十九日據順慶府詳據蓬州詳稱  
吏目夏賢稟稱本年五月十二日舟口總來稟說  
有二人來官店住下粘貼曉諭一張不知其人來  
歷特來報明後有一人突至州廳持順天巡察世  
襲侯王官銜字條並拏忠心報國勸世曉諭命我  
實貼州城外并開盜賊及造假銀人名數箇仰蓬  
州捕衙差拏職隨過舟口見他說係平涼侯王進  
保之孫去歲三月岳公爺薦他到貴州總統張老



爺做謀士今歲三月又奉

旨到貴州命他巡察天下自貴州由重慶合州岳池至  
蓬州看他語言支離行止不像侯位體段請他進  
州細加詢問彼云奉

旨巡察但並無

旨意又云貴州總統委來又無委票又問有何憑據彼  
云

旨意在身上職即求看彼解衣職看前心刺書墨字一

行赤膽奉明君後心刺書墨字三行中行忠心報  
國效右行報國撫民左行忠心大孝右脇墨刺定  
國二字左脇墨刺安邦二字窺其動作覺似盡國  
害民之徒隨即鎖鑰拘收事關假冒先行飛報一  
面差役人文並解等情又據順慶營遊擊李鶴報  
稱據駐防蓬州把總張惠稟稱本月十二日有假  
冒欽差大人名叫王三清係貴州定遠府人在舟  
子口貼勸農告示一張同日又至蓬州舟口有蓬

州夏吏目在舟口請到店內安住有防汛巡街管  
隊張朋兵丁曾聯捷二人一同到店問其奉

旨情由有何憑據伊云有牌票在身上即脫去衣服其  
前心後心左右兩脇俱刺有墨字夏吏目隨後到  
店一見此事將假克欽差之人帶至衙內眼同開  
看包袱內有木印一顆鐵尺一把算命書一本鋤  
藥刀一把交與該州吏目審訊並不招認語言狂  
誕吏目隨即監禁將舟子口勸農告示並搜出木

印等項俱存吏目衙內相應稟明等情稟報到職  
為此專差稟明等因各到臣等該臣等看得姦民  
王三清舉止狂逆語言悖謬更遍身捏刺墨字妄  
誕惑衆實屬逆惡渠魁查上年有姦民張熙報  
遞逆書一案今春三月間准湖廣撫提二臣咨據  
辰沅靖道王柔拏解匪類許英賢等訊供各犯等  
因移查緝捕前來今被獲之王三清行蹤詭秘不  
法或係張熙案内要犯或係許英賢等所供渠惡

均未可定臣等不敢隱蔽理合會同據實奏

聞抑臣憲德更有請者姦民王三清是否張熙及許英  
賢等兩案內正犯雖尚待嚴訊但其語言舉止悖  
逆已屬顯然應否解部嚴審抑或仍

命臣究擬之處理合恭請

訓示遵行謹

奏

捉獲姦民未經訊究遂疑為張熙許英賢案內之犯殊

屬可笑之想汝等意謂但係匪類即不出此二案乎前  
二案並非聚衆謀為不軌之事可比何識見卑陋至於  
此極乃欲稽延時日解部卸責更屬可笑矣速將王三  
清嚴審務須徹底窮究定擬具奏若審係小事不必題  
疏仍即具摺奏聞可也此緝獲之員弁兵役等當重加  
獎賞以鼓勵之

四川巡撫臣憲德署松茂道給事中臣高維新謹  
奏爲請

旨事竊查川中清丈田地臣高維新分辦永寧道屬地方按其戶口次第清理其丈過田地數目臣憲德業經代為

題明在案查永寧道屬州縣十五處建武廳九姓司二處新舊承糧業戶共五萬四千九百三戶內有二百五十七戶其承種田地經中書勘丈按之量冊共缺糧六十四石八斗零再三詢問緣由或係溝峽之田曾遇山水陡發沃壤半為石沙或係愿

樸鄉民不知畝數因屢次自首隨衆報增及至丈量始知田少糧多又查有糧冊無名三百九十七戶共田地八十二頃六十四畝零或係山嶺灣曲人蹟罕至之處內藏塊段或係香火田地廟宇毀圯借以影射經中書勘丈共應徵糧一百五十五石八斗零其餘五萬四千二百四十九戶雖皆糧冊有名然多係隱漏田畝之戶現在丈出一萬六千二百四十九頃零悉皆按照各州縣科則核令



加增造冊至田少糧多之戶歷來州縣官徵收錢糧惟知照額徵比原未問及畝數今丈量地畝始能逐戶分析雖總計不及百分之一然民隱攸關不敢緘默臣等面相會商凡欺隱之戶既皆令其按畝輸糧所有田少糧多之戶亦應照畝徵收始得均平但開除錢糧出自

皇上洪恩非臣等所敢擅便也再查建昌松茂川東各道較之永寧道所屬地方既廣戶口更多其中或

有田少糧多之戶亦未可定均應沾沐

皇恩合併

奏請如臣等言果不謬伏乞

皇上敕部議覆施行為此謹

奏

此事交怡親王大學士等詳議候旨遵行

四川巡撫臣憲德謹

奏為請

旨事竊查川省前因懸缺甚多蒙

皇上簡發人員陸續來川隨到隨補及今委署已完尚

有州縣十七缺經臣

題請歸部銓選在案但一省之內各官陞遷事故不

時皆有現在缺多員少半係一官兩印兼攝署理

恐顧此失彼難免貽誤之愆臣仰懇

聖恩將臣

題請歸部銓選之十七缺

敕部催令速赴新任此外再懇於候補候選州縣內

簡發一二十員來川俾臣得以委署試用庶地方不致

懸缺待人屬員無兼攝曠官之慮矣再

臣

查丈量

欽差科道等所帶中書等官在川已經一載有餘且上

年於春耕停丈時經

臣

奏請借署各州縣印務其於川省地方多曾經歷

臣

不揣冒昧可否俟伊等丈量造冊事竣後留川令

臣就其人地相宜酌量補用出自

聖慈抑臣更有請者川省佐貳雜職內現出二十八缺  
內有已選而未到任者亦有尚未銓選者懸缺視  
正印為更多查別省州有州同州判吏目縣有縣  
丞主簿典史佐理多人偶有一缺尚可兼署至若  
川省凡州牧外多止吏目凡縣令外盡止典史且  
有如建始汶川保縣等縣止有知縣一員並無典  
史者目今州縣或經兼併地方或經開闢田畝加  
增課稅其分巡協辦署理尚屬無人需員尤為孔

急臣愚欲再懇

聖慈併將候補候選雜職內揀選二三十員勒限來川  
使臣分別委用則正佐俱無空缺似於地方大有  
裨益也臣因地方起見瑣屑陳奏伏乞

皇上睿鑒施行謹

奏

前據趙弘恩奏請經朕允准隨命揀發十五員來川矣  
今又諭部揀選州縣佐貳等員候得人時陸續發往

同日又

奏為請

旨事竊查川省丈量一事前蒙

皇上欽差科道諸臣來川會同四道分路查丈今永寧道屬早已告竣經臣

題報在案建昌道屬亦已將完松茂道屬所有吳鳴虞勘丈未完不妥之處業蒙

皇上敕令給事中高維新現在料理庶無違誤惟是川

東道屬係御史吳濤辦理據臣看得川東所屬乃重夔保順四府地方較之永寧等三道所轄本屬遼濶而吳濤辦理又稍迂鈍誠恐完功既遲而造冊之時核算丈出田畝照各州縣科則增徵錢糧數目更滋繁劇臣不揣愚昧仰懇

聖慈敕下工科給事中馬維翰令其於建昌道屬丈完查造事畢即至川東幫同吳濤協辦查丈造冊核糧等事庶得妥協告竣不致遲延舛錯矣是否可



行伏乞

皇上睿鑒施行謹

奏

此奏是照所請令馬維翰協辦可也

同日又

奏為遵

旨覆奏事竊臣前奏成都府知府王潯揭報學政宋在

詩一摺奉有

硃批臣隨傳集司道及該府王濬面加訓誨諄諄教導  
詎意王濬全不改悔又復妄言高維新因嗔惱叅  
奏吳鳴虞意圖報復等語又於臣考驗騎射衆目  
之地放縱無禮酣睡座傍是以臣即具疏

題叅在案至宋在詩誠如

皇上聖鑒實屬無能為之人其於整飭學政殊欠風厲  
訓導士子尚有婆心而循規蹈矩不敢徇情不敢  
評論宋在詩可謂公當  
受賄兩年來並未聞有聲名不好之處緣奉

旨詢問理合據實回奏伏乞

皇上睿鑒施行謹

奏

題叅王濬一疏已有旨矣似此使氣陵下性情當深以  
為戒凡涉驕傲自大乃屬褊淺小人之態度切不可蹈  
汝等封疆重任惟當以公正和平含弘寬恕為務若好  
較量區區目前小節未有不失體招尤者且不但有  
礙國家體統亦非自全之道須威而不猛和而不流方

稱善於御下然非大智慧人不能也勉之

同日又

奏爲恭謝

天恩事本年四月臣齋摺人回川知臣子查哈燕蒙

皇上特放侍衛臣聞信之下不勝感激惶悚恭設香案

望

闕叩頭謝

恩竊以臣之疎庸既蒙

皇上委畀封疆重任以臣子之謏劣復荷

皇恩使其侍直

內廷父子蒙

恩實

聖主寵施格外臣銘心不盡圖報難名惟有寄囑臣子  
令其黽勉供職矢志辛勤以仰答

天恩於萬一耳所有微臣感激私忱理合繕摺恭謝

天恩謹

奏

覽奏謝知道了以汝族分而論應有一二人在內廷執事今選汝子為侍衛可寄信時加教訓令其黽勉成人

同日又

奏為恭請

陛見事竊臣庸劣菲材蒙

皇上隆恩不次超擢由部曹而畀以封疆

恩深任重報稱維艱幸荷

聖主裁成之德遇事必加

訓誨欲使臣知所遵循以供職守臣感深刻骨念切瞻

天雖每接

諭旨於拜讀之下不違咫尺而瞻仰

天顏之念究未能少釋茲值西藏烏蒙皆已仰仗

天威蕩平奏凱丈量之事現已陸續告竣至安插一節

業經分咨各原籍此時流寓多係依親傍友營生

有業之人俟各省查覆到日辦理亦易川省目今

庶務似稍緩於去年而微臣依戀私衷實倍殷於  
往日伏懇

皇上准臣於八月內自川起程進京

陛見俾臣得跪請

聖安親承

訓旨則臣瞻戀愚忱庶可少伸萬一也爲此繕摺請  
旨伏乞

皇上睿鑒批示遵行謹



奏

陛見之行今且不必如有訓諭自於奏摺內不時批發爾來不過為君臣相見之小節地方要緊再料理二三年自然召爾來京也

雍正七年六月十一日四川巡撫臣憲德謹

奏為密奏事竊川省重慶府合州劣紳捐納副使道職銜李亨時者於雍正五年內經前撫臣法敏以狂悖兇淫等事列款

題叅奉

旨草去職銜嚴審定擬欽遵在案嗣因叅款內要犯鎮  
雄土司隴慶侯尚在貴州聽審各案經臣移咨雲  
貴督臣俟彼案審明之日移解來川質審後於雍  
正六年十月內准雲貴督臣鄂爾泰將隴慶侯移  
解到川臣隨發承審官取供質審今於本年四月  
內據布按二司將李亨時一案會審招解前來臣  
覆加親審查招內供情甚是不符問擬均屬不當

臣即逐款駁飭司道會同確審另擬去訖但臣於親審訊供之下據李亨時供稱伊所娶係宗室之女今尚在京城等語臣聞之不勝駭異隨詰問其旗色佐領姓名據稱係滿洲姓名記不清楚復詰其居住何處據稱在西華門外驪馬市居住等語臣思宗室之女從未聞有許配外省民籍之人今李亨時所供臣未知確實不便於

於題

本內

聲明

臣又

不敢

不行

奏

於題

本內

聲明

臣又

不敢

不行

奏

於題

本內

聲明

臣又

不敢

不行

奏

聞既有住址地名伏祈

皇上密飭查察自必虛實立見若事屬虛無則李亨時

肆捏妄供

有何挾制之處

希圖挾制自罪不容誅倘果係娶有宗

室之女則李亨時似不便於外省審結可否將本

案各犯供情備錄送部將李亨時嚴拏押解赴京

敕部定擬完結之處伏乞

皇上睿鑒批示遵行謹

奏

果否聘娶宗室之女與彼原案無涉此奏可謂荒謬之至朕實不解堪發一大笑

雍正七年閏七月十三日四川巡撫臣憲德給事

中臣高維新馬維翰御史臣吳濤謹

奏為請

旨事查得歷來川省田地其頃畝欺隱科則混淆俱毫無定準荷蒙

皇上念切民依爰

命科道臣等來川分路清理今辦理永寧道屬臣高維  
新辦理建昌道屬臣馬維翰已先後告竣丈過數  
目俱經臣憲德

題明在案茲查各屬徵糧科則輕重懸殊未獲平允  
臣等仰體我

皇上愛養黎元一視同仁之至意公同商酌除科則均  
平之各州縣仍照舊則徵收無庸另議外其科則  
原重之田地凡屬接壤地方宜令相等容商同司

道於就近適中之處一體比照科算其糧輕之處亦應令其按則增添俾小民不致偏枯再川省徵糧之例先按畝分派糧數後以糧石科算條糧銀數又將糧石載丁再於每丁科銀若干轉折合併始得每畝應徵銀數愚民無知不能盡曉算法其中胥役灑派侵漁之弊實所不免並請嗣後徵糧不必輟轉折算竟以每畝該徵丁條糧共銀若干使通省畫一易曉無致參差庶川省田地頃畝既

無混淆而科則亦得平允矣至川省丈量一事係  
通省清釐要務將來永遠遵行不特冊籍繁多而  
考核更定尤須慎重周詳今丈出頃畝雖有數目  
因科則未定難以造冊且現在給發聯票民間又  
有續首零星田地俱應一體入冊若得於年內議  
定各則庶丈出地糧可自庚戌年按限徵輸事關  
錢糧定額臣等未敢冒昧謹會商合詞陳請如有  
可採伏乞



皇上批示臣等迅即酌量比照定則合詞具

題仰祈

睿鑒敕部議覆以便遵奉施行謹

奏

所奏甚是已交該部議覆矣

四川巡撫臣憲德

奏為奏

聞事竊查蜀省川東所屬地方遼濶民俗刁頑而御史

吳濤才稍遲鈍臣恐辦理稽延將來造冊核糧更屬費事是以前經

奏請令馬維翰協同辦理已蒙

聖慈俞允馬維翰遵即起程赴川東協辦去訖但馬維翰赴彼未幾從前吳濤查丈過地方多有不妥今據夔州府稟報萬縣里民聚集多人聲稱丈量不公糧耗過重扯旗申訴等語臣即委署按察司事高維新前去曉諭安輯并囑令密拏為首姦徒嚴

加懲治再查前因分辦川西御史吳鳴虞奉行不善蒙

諭旨將伊勘丈未完不妥之處

敕令高維新辦理伊即親往潼綿等處明白開示現已漸次清理川西丈量之事大約於臣出場後即可具

題報竣臣請川東各屬如有馬維翰吳濤未能遍歷之處亦令高維新協同分辦庶使遼濶之地得及

時告竣而姦民不致恣肆妄行矣理合繕摺奏

聞伏乞

皇上睿鑒施行謹

奏

川東地畝亦令協辦甚好朕未料高維新能如是敏事  
亦未料餘人如是無能辜負朕之委任也

同日又

奏爲請留熟練能員裨益地方事竊查川省屆在邊

圍庶務緊要分猷辦理實藉熟練之員臣查保縣知縣今陞廣西桂林府同知張泰國居官謹慎歷經委辦糧運及赴西藏屢效勤勞目今奉文建設吹音堡三渡營房臣以該員熟悉邊境現在委令查勘料估伏乞

皇上恩准以陞銜暫留原任候川省有同知缺出

題補再各屬丁憂回籍人員內有雲南舉人李旭楊重光係雍正二年內

命往川省委署試用之員歷經委署各任俱能勤慎供職實心辦事又貴州舉人陳旭係原任蓬溪縣知縣明白幹練前經委辦軍糧勤勞無悞查此三員現在俱已回籍守制臣愚欲仰懇  
皇上洪慈准令即來川省委署

題補則該員既得駕輕就熟裨益地方而臣亦得收臂指之效矣再有建昌衛裁缺守備孫之爵寧番衛裁缺守備胡漪因建昌改設府縣俱應赴部另

補但該員等前經委赴結覺沙罵等處軍前隨營  
辦理糧運俱能盡心無悞且久任邊境熟悉夷情  
令川省現在新設雷波衛所有缺可補并懇

聖慈亦准留川補用則於邊方要缺更屬相宜倘蒙

俞允其胡漪孫之爵二員容臣即於新設之雷波衛所  
酌量一員另疏

題補其一員遇有缺出再行補用臣為地方起見冒

昧陳

奏伏乞

皇上睿鑒施行謹

奏

候交該部議覆有旨

同日又

奏為請

旨事竊查川省向來糧冊紊亂無章目今丈量逐漸告竣頃畝界址徹底清釐已與向時冊籍迥別各府



州縣所有原冊盡置無用均須另為改造始足以  
定章程而垂永久但此番更造達部存司送院以  
及各州縣衛徵糧底冊爲數繁多其紙張飯食人  
工等項通省計算爲費不貲各屬中遂有議於每  
戶派取以作此項費用者臣已嚴飭禁約不許擾  
累民間再四思維川中公項現止有鹽茶耗羨一  
項仰請

皇恩將造冊之費在於鹽茶耗羨內酌量動用事竣核

實報部庶公務得以就理里民不致紛擾矣至此  
番查丈冊籍尤繫更易攷定永遠遵循之事若聽  
各府州縣仍於各該處造送則地遠勢隔恐未能  
畫一臣擬俟科場畢後於貢院內設立總局將報  
部存司送院以及各州縣衛徵糧各冊彙齊攢造  
派委賢員承督經理造齎

欽差等彙總核正俾得通省畫一不致差訛伏乞

恩鑒訓示以便遵奉施行謹

奏

此番攢造冊籍甚屬緊要候另有諭旨

同日又

奏爲恭蒙

聖訓敬陳愚悃事竊臣前覆奏遵

旨敎訓成都府知府王蔣一摺奉有

硃批臣跪讀之下感激痛心不禁淚從中出

聖訓諄諄不但父母敎子之言無以踰此即父母愛子

之心亦無以踰此矣臣不獨心切畏懼不敢有違  
聖訓即具有人心稍知感激者亦何忍有違

聖訓也惟有矢敬矢誠兢業自持深以使氣陵下為戒  
以期無負我

皇上訓勉洪恩於萬一耳所有臣恭蒙

聖訓感激愚悃謹繕摺敬陳伏乞

睿鑒謹

奏

尚氣二字亦非汝一人為然乃滿洲人員之通病亟當  
悛改者

雍正七年閏七月二十日四川巡撫臣憲德提督  
臣黃廷桂謹

奏為請

旨事竊查新設柏香靖遠永定等處修築城垣營房一  
事行據寧遠府約估銀六萬九千餘兩通報經督  
臣岳鍾琪駁飭會委文武再行逐處確估定議現

在另委文武各員挨次會勘確估茲據建昌鎮臣  
趙儒咨稱查新設之栢香靖遠等營添設官兵雖  
已飭令分撥派往因未築城蓋房衆兵露處俱各  
懇切具呈該營將備轉請咨商迅即委員備辦工  
料早建城房俾得安處等情但營汛遼濶營造之  
頭緒繁多每至一處動需匝月方能估報必致蹉  
跎時日轉盼入冬土脈不堅難以築城所需料物  
等項必須早為備辦方能濟用似應預為籌畫況

營制已定汛防已設則建造城垣修葺營房尤不可緩等因咨商到臣等臣等公同商酌趙儒所議似屬允協仰懇

天恩敕部先撥庫銀二三萬兩檄發該管地方各官先期備料俟所委各員確估詳報定議具

題之後即可動工修築其不敷銀兩一併

題請補撥統於工竣之時造冊核銷在公帑原無糜費而城垣營房即可及時建造矣理合繕摺會

奏伏乞

聖鑒施行謹

奏

據奏撥帑辦料已有旨諭部矣

雍正七年閏七月二十六日四川巡撫臣憲德謹  
奏爲懇

恩敕議事竊查川省屆在邊方歷來命盜案件上下各  
官因循苟且外結者多



題達者少是以通省州縣設立監獄者十無二三至若主守巡邏人役均非經制額設給有工食之人率皆百姓掛名輪流應值是以間有監犯越獄之事臣於雍正五年十二月內接准部咨奉

旨各處越獄之風尚未止息著各省督撫按察司各就所見應如何料理可免重犯疎縱之處令各具本陳奏欽此移咨到臣隨將川省各該州縣監獄俱未齊全禁卒更夫名數俱未額定請動用正項錢糧修

建召募設立等因陳

奏在案迄今一載有餘尚未准有部覆蓋緣此事係  
奉

旨著各省督撫臬司陳奏令九卿斟酌定例之案部內  
自必彙齊各省章奏始會同九卿定例是以一時  
未得即行議覆但川省非若各省原有監獄禁卒  
齊全者可比即奉准行清查估計建造召募尚需  
時日臣不揣冒昧伏懇

皇上敕部將川省請建監獄一案先為議覆俾得奉文  
修建及早舉行工竣核實報銷則囹圄堅固防範  
謹嚴罪犯無虞踈縱矣為此具

奏伏乞

皇上睿鑒施行謹

奏

有旨諭部照所請行矣爾其酌量即行料理可也

同日又

奏為奏

聞事竊臣前因分辨川東丈量御史吳濤辦理遲鈍所以

奏請令馬維翰協同辦理嗣據夔州府稟報萬縣里民聚眾扯旗聲言丈量不公臣復委署按察司高維新前往曉諭安輯先後繕摺奏

聞續於高維新尚未到彼之先已據夔州府及夔協遊擊稟稱該員等會同齊至萬縣訓諭開導眾民感

悟解散現在領單另首各回安業等語茲於閏七月十六日准工科給事中馬維翰移會為移明代奏事本科昨於七月初六日至重慶府協辦川東丈量事務面見吳濤當經詳問據稱各處俱已竣事止有一兩處未完即日親赴忠州查勘等語本科因經由榮昌永川等縣察聽一路傳聞尚無一處清楚了結又各業戶呈訴絡繹未敢遽信為實隨詳問川東道陸賜書稱因奉委各處查採

欽工楠木敬謹辦理丈量事宜未能同往查勘自五月  
後據各州縣將從前開摺具報御史吳濤田地數  
目照所頒冊式合總齎投查各總冊開載田地率  
多混淆失實并多苛刻已陸續駁查并提取底冊  
查對當經會同本科分頭將各州縣首呈丈冊等  
項逐一稽查見各冊開載多係約畧估首並無弓  
口細冊且混將石嶺石坡難以開懇之山概行填  
湊頃畝種種舛謬不可枚舉因迅委庶吉士中書

等分往各處覆勘一面即將巴縣十二里各冊查核計不敷原糧之冊共三千三百九十八戶現令署縣王愿覆勘的係所報不實但向係因糧算田其間亦有實係缺額者總因各處從前俱責令約估多首並無四至弓口或一二倍至三四倍不等且有執一戶欺隱勒令通里照數呈首與頒定條約顯然違背民間自不能帖服連日人言藉藉傳聞萬縣姦民糾衆喧囂所有吳濤從前丈量不妥

之處理合據實移明希煩查照迅即奏

聞等因看此是川東丈量不妥之處不止萬縣若令高維新馬維翰在彼幫同吳濤協辦則先後依違不無掣肘恐於公事無益仰懇

聖慈敕令高維新馬維翰專任辦理川東丈量事務將吳濤以前丈量不妥之處盡行秉公清查改正庶得允協輿情丈量妥適矣為此繕摺奏

聞伏乞



皇上睿鑒施行謹

奏

已有旨矣似此辦理無術不妥之員事畢一一分別叅奏以聞

雍正七年九月二十一日四川巡撫臣憲德謹

奏為奏

聞事雍正七年閏七月十八日據護夔協遊擊報稱建始縣民向京甲等呈稱有容美司差黃巡簿田前

營帶領三十餘人至李家壩等處欲將各處居民  
一併驅入土司伊等連夜奔逃至景陽大里地方  
暫住稟求安插等語並據夔州府報同前由隨飭  
司轉行夔州府將逃竄人民善加撫恤並會同提  
臣移咨湖廣督臣邁柱嚴飭容美司不得越境滋  
擾即有雜處內地土人著將姓名戶口查明實據  
移咨過川會委文武逐一確查起發使流土相安  
不致驚擾去後嗣准邁柱咨據夔陵鎮呈報移查

前來隨將先據夔郡文武呈報即行司轉飭善加撫輯安業並經會咨緣由咨覆訖又於八月二十七日據夔州府轉據建始縣報稱草塘壩地方居民三福保等五戶被土司驅入其餘驚散逃避者五十三戶候示安頓等語隨又飛咨湖廣督臣邁柱轉飭容美司將驅入之建民三福保等各照名口放回安業並飭遵照定界不得擅自出入俾驚散之戶仍回原地方安業等因俟查明移會到日

分別安插外理合先行奏

聞再查建民所受容美司劄付經臣會同提臣黃廷桂  
兩次具摺恭繳在案茲於閏七月內據夔州府稟  
稱據建民黃大鼎等自行首報并續繳出劄付三  
十四張查其年分俱係先年給與所授俱係知州  
同知叅將千戶等職銜與前所繳劄付大畧相同  
若再齎呈

御覽恐致煩瀆

宸衷特暫留臣署可否移送湖廣督臣邁柱併案查銷  
歸結之處臣未敢擅便伏乞

皇上訓示遵行謹

奏

將此所首劄付移送楚督邁柱令其於併案察結之後  
仍隨便齎呈朕覽

同日又

奏為恭報秋成事竊照四川通省秋收分數行據布

政司冊報前來臣查各屬今歲秋收十分者九州  
縣九分者三十九州縣一司八分者四十三州縣  
廳衛所七分者二十州廳縣六分者五縣五分者  
三州縣理合繕摺奏

聞再查本年九月據護松潘鎮報稱上中下阿壩等番  
各寨青稞被霜雪打傷准建昌鎮咨稱寧番屬糯  
白瓦苗米小村被水衝去地塊不能上納蕎糧咨  
請豁免等因隨即飛行布政司確查雪傷青稞果

否成災水衝地塊應否豁免俟勘明到日或有應請豁免者另疏具

題又本年六月內據護松潘鎮稟報雄溪屯等處河水泛漲衝塌道路數處七月內據化林協守備報打箭爐烹壩地方山水偶發衝淹房屋數家俱即飭行司道轉飭勘明並不有礙田園廬舍未至成災查估修理賞恤等項每處需費數十金或百餘金不等隨於鹽茶耗羨銀內動支委員前往補修

堅固撫恤得所訖動用過銀兩臣於報銷公用耗羨冊內造報理合一併奏

聞謹

奏

覽奏俱悉凡係番苗所納田賦概行從寬為是但勿使貪吏姦胥就中舞弊飽其私橐也

雍正七年十月二十一日四川巡撫臣憲德謹

奏為奏



聞事竊據代理打箭爐等處地方稅課事務工部郎中  
趙世熙呈為行知事雍正七年十月初八日准

欽差副都統鼐格咨本年九月十一日准

欽差內閣學士僧格護軍統領邁祿咨開照得今年係  
達賴喇嘛請

皇上聖安遣堪布囊素之班堪布從達賴喇嘛處派往  
囊素自貝子頗拉奈處派往達賴喇嘛進

上物件頗拉奈進

上物件及送達賴喇嘛處物件共一百馱交與囊素嘛  
呢綱巴於七月十九日自藏起程前往裏塘訖其  
囊素到日貴副都統即日將達賴喇嘛之使者衛  
送打箭爐收稅監督處令打箭爐監督轉

奏等因又據在裏塘管理達賴喇嘛賞上事務洞濶  
爾丁濟鼎呈稱昨日自藏送來馱子共一百馱內  
除頗拉奈送達賴喇嘛物件馱子外如今達賴喇  
嘛進獻

皇上丹殊格物件又達賴喇嘛請

安進獻物件貝子頗拉奈進

上物件公索諾穆達爾乍請

安進獻物件共計進獻馱子及堪布囊素行李跟役牛

馱子共九十五箇交與堪布多爾巴囊素嘛呢網

巴等於九月二十八日自裏塘起程等因前來本

副都統據此擬合行知為此合咨貴監督俟達賴

喇嘛之使者堪布囊素到日查照

定例遵奉施行等因准此除俟達賴喇嘛之使者到  
日遵奉

定例暫留打箭爐外卑職係代理之員不敢擅  
奏相應一併報明俯賜查閱轉

奏等因到臣據此理合轉

奏伏候

諭旨遵行謹

奏

議政王大臣會議具奏

雍正七年十一月十六日四川巡撫臣憲德給事

中臣馬維翰布政使臣高維新謹

奏為叅奏事該臣等查得川省丈量一案原以清疆  
界而杜爭端辦理之員務應實心實力多方開導  
秉公查丈始不負我

皇上軫念閭閻之至意乃原文川東道屬御史吳濤從  
前既未能明白曉諭令人爭先從事又不能清查

欺隱使人畏法知懼忽然中道改轍不問各業戶  
實在田地多寡止令按戶約計勒增且伊所出告  
示中有少者增少多者增多二語民間互相傳播  
以致巴縣銅梁等處愚民有故行短少原額自數  
戶以至數千戶不等再丈量田地既於雍正六年  
分舉行其本年自供首報之田即係新丈首增如  
此外尚有欺隱自應查出懲治乃該御史不問虛  
實概作原數既令遵示補首又令計種添畝此外

尚有暗加之畝苛勒不已以致梁山萬縣等處有  
無田加畝之控再從前民間不知弓口頃畝歷年  
隨例首報實有糧浮於田之戶且既經部覆轉飭  
丈量之員照永寧之例開除自應確查清丈將此  
等不敷原額各戶遵奉

恩旨一體開除乃吳濤並不覆勘確實止責令概行加  
倍首報遂致合州定遠等處有苦樂不均之控再  
水溝石灘既毫無出產原無查丈之理乃吳濤勒

令將石嶺石坡不可開墾之處始則包山細丈繼則隨指頃畝填湊入數以致墊江忠州等處有丈量不公不堪再加之控雖據地方官及中書等勸阻竟執意不從似此偏私卑鄙罔恤民瘼實有負我

皇上委任至意雖現在川東丈量事畢其該御史吳濤種種劣蹟臣等不敢徇隱為此合詞據實叅

奏恭請



睿鑒敕部議處施行謹

奏

該部嚴查議奏

四川巡撫臣憲德謹

奏為遵

旨查議事竊查江西南康府知府董文偉條奏四川灌  
縣之都江堰歲修派夫一摺奉

硃批有人條奏此事可詳細察議奏聞欽此欽遵臣即

行令成都府詳細察議去後嗣據成都府知府項  
誠詳稱邛灌等九縣用水之戶從前係照田計塊  
派夫折銀修堰俱由里甲經手不無指少派多情  
弊今議令各縣按畝均攤以得水之遠近定出銀  
之多寡酌定銀數刊刻木榜通行曉諭照依江南  
河工歲夫折銀之例官徵官解給以由票此項折  
夫銀兩不加火耗永為定例如有餘剩存貯同知  
衙門以備夏秋修築之費等因到臣隨檄行布政

司令其秉公查核妥議詳覆今據藩司高維新稟稱本司查勘卹灌等處田地其各邑用水原有遠近遲早不同每歲修堰之費該府議以按畝派銀仍以水之遠近定出銀之多寡實屬均平至稟稱所派銀兩不加火耗官徵官解除每歲用過實在數目報銷外其餘剩之銀存貯同知衙門以備夏秋水發衝塌之患亦屬妥協等因到臣臣覆核無異為此請

旨伏乞

皇上睿鑒謹

奏

爾審度事果應行竟作爾意具疏題請可也

同日又

奏爲密行陳情事竊照一省之政務挈領提綱責在  
督撫敷猷助理全在兩司是藩臬之關係實非淺  
鮮也今川省新補布政使高維新才智深沉和平

公正旬宣之任已慶得人至若按察使呂耀曾臣  
當接見之初察其刑名雖非諳練而為人尚屬謹  
飭乃未四月而聞訃丁憂復蒙

恩旨任守制往籍治喪畢回任之後又蒙

旨令伊署理藩篆遂爾放逸肆志頓改前轍政務之叢

脞舛錯經臣駁令更正者不可勝數臣正在繕摺

奏

聞間茲值該司又聞訃丁母憂矣其臬司印務本應著

藩司兼管但高維新接任伊始交代未清且丈量  
冊籍現在攢造甚屬紛繁是以將臬篆暫令建昌  
道劉應鼎署理自臣到任以來刑名諸務甚需整  
理若非幹員實難勝任看得兵科給事中馬維翰  
在川二載辦理兩處丈量才識洵屬明敏復能於  
經歷之地采風問俗留心時務川省民情頗覺熟  
悉似可勝臬司之任倘蒙

聖恩俯准即以補授呂耀曾員缺則川中藩臬各得其

人臣亦收贊助之效矣是否允協伏乞

皇上睿鑒謹

奏

朕未料呂耀曾如此辦事也至若馬維翰才具究屬中平不及劉應鼎候另旨諭部

汝新題請順慶府之馬世煊朕觀其人庸碌性似輕躁恐未必能勝府任汝何所見而題補之耶到任後當留心試看

同日又

奏為奏明事本年十月於臣出武場後提臣黃廷桂  
向臣說貢院之外圍牆俱屬無用與其倒塌之磚  
石被竊無存不如將未倒之牆垣拆毀鋪墊城內  
低窪處所等因具奏奉

硃批告知巡撫憲德欽此臣伏查貢院之外圍牆西面  
一帶即係滿城界牆不便拆毀外其餘三面委屬  
無用拆取磚石鋪墊低窪處所誠有裨益先於秋



末冬初之際因東門內大街一段係商賈往來要路低窪積水不利行人有已倒之磚石約數鋪用派員修墊需力無多臣隨諭布政司飭令地方官運墊現已告竣闔城內低窪街道應需鋪墊處所較之東門內大街一段尚有數十倍之多通計將未倒之牆垣拆毀鋪墊經理員役實屬不少現今革達雷波松潘建昌四路奉文修建營房城堡一處一官即需數十員又各州縣監倉不備經臣

奏明亦現在紛紛查估修建處處需員以臣愚見將  
未倒之圍牆通行拆毀鋪墊城內低窪處所似可  
少緩俟各路營房城堡將次告竣之時派員經理  
庶為均便臣已將此情由告知黃廷桂矣理合

奏明伏乞

皇上睿鑒施行謹

奏

覽

黃廷桂人何如近見其諸凡陳奏多有不協處才所限  
耶心有私耶據實奏聞

雍正七年十二月十八日四川巡撫臣憲德謹  
奏為奏明事竊臣准廟工

欽差趙殿最等咨稱本年閏七月二十六日高楊夫役  
曾以天氣漸寒懇乞放回等情具呈隨批工程告  
竣在邇一完即行放回乃衆夫竟敢藉口已經具  
呈紛紛私逃隨據大頭人高萬修等呈稱係刁夫

高續英等串謀私逃查高續英等身應夫役輒敢率衆私逃刁玩已極且在途口稱有少給伊等工價之語事關錢糧或係大頭人等扣剋或係逃夫高續英等刁誣之處除牌行署土司務必拏解工所以便對質發落外將給過高楊夫役工價細數另單備錄等因移咨到臣臣隨檄建昌道轉飭天全州嚴審究擬去後嗣據該州詳稱審據高續英等僉供衆夫工價並無扣剋亦無在途刁誣等語

並呈驗在工領銀單目與發審黏單銀數相符至  
衆夫私逃緣由堅供委因天氣寒冷各夫未帶綿  
衣具稟

欽差放回土民無知未候發放並非敢於私逃研訊再  
四雖係實情但未候示輒敢私回咎無可逭請將  
逃夫高續英等照律責懲以儆效尤其餘邀免概  
究頭人高萬修等審無扣剋情弊請免置議等情  
前來臣即批令該州就近發落訖查廟工夫役現

在遵

旨分別給賞今高楊夫役既經私逃自不得與在工竣  
事各土夫一例賞給以別勤惰理合將高楊夫役  
私逃審究過緣由繕摺奏

聞謹

奏

據奏逃夫免其給賞之處行令諾穆圖趙殿最酌量命  
伊二人將所處公當與否具奏以聞

殊批諭旨卷一百三十二中

# 欽定四庫全書

史部

硃批諭旨卷一百三十二下

臣 永瑤 恭 校

編 修 臣 裴 謙 覆 勘

總校官中書 臣 朱 鈐

校對官助教 臣 卜 惟 吉

謄錄監生 臣 張 同 履



欽定四庫全書

硃批諭旨卷一百三十二下

硃批憲德奏摺

雍正八年正月二十二日四川巡撫臣憲德謹

奏為遵

旨覆奏事竊臣於前奏明事一摺內奉有

硃批遵查得提臣黃廷桂為人精細明白留心地方洵  
為有用之才但器局褊淺規模狹隘欠敦厚少豁

此論是朕觀黃廷桂才屬不及而自視却以為能據奏達耳若夫多疑偏聽好勝矜人是其病痛也茲奉如肯實心任事而不存私猶為可用之人遇伊有見不旨詢問謹據臣所見以聞又臣於密行陳情事一摺內奉有

硃批臣跪讀之下惶恐無地仰見

聖明洞照無遠弗届今蒙

皇上特授劉應鼎為按察使即以馬維翰為建昌道則川省臬政可漸整理矣至馬世煊臣於

題請之前每每試看其德行臣亦未敢深信前歲馬

湖一帶軍需緊急而該員最後派往赴彼竭力幫辦未至遲誤其人雖非超越之才似屬尚堪驅策此臣之從前謬見

題請也今蒙

聖恩訓示明切俟馬世端到川之後臣必留心試看一有乖違臣必據實叅處斷不敢以馬世端係臣舅氏之族徇私廢公自取罪戾重負

皇仁也臣不勝激切惶悚之至謹

奏

馬世端前於乾清門引見時或係內懷恐怖之故舉動奏對似屬不及後召入養心殿面訓之際審觀其人甚覺明白歷練儘堪勝知府之任但恐過於巧黠耳已向馬世端明白降有諭旨令伊來川面傳與汝也

同日又

奏為欽奉

硃批事竊臣齎摺家人回川恭捧臣奏摺匣內有奉

發硃批提臣黃廷桂所奏三摺臣遵

諭將伊原奏逐一細看

硃批諭旨一一跪讀謹據臣愚見及地方現在情事敬  
為我

皇上歷歷陳之黃廷桂奏將黃螂國保安插成都一摺

臣查

恩賞國保之銀現據黃廷桂令將弁代為擇買田房料  
理照看國保之弟木姑等臣已據黃廷桂移送戶

金史卷一百三十二  
口冊籍發令布政司酌撥附近荒田交令承領不  
至失所此外一切招回多年被擄之人現已分插  
各州縣者臣自當仰體

聖意不時稽察務令充裕感悅以廣

好  
皇仁又黃廷桂奏請展復戕邊馬邊二營舊汛以便招

徠墾種一摺臣查天下地利固不可不盡而內外  
情事之緩急亦不可不詳為審度如川省丈量之  
事雖畢而核查造冊三五月內不能遽畢原經部

議清丈完日將清出地畝分別科則編列字號計  
留川人戶之數均分闢定認墾是安插之事應俟  
冊籍就理方可議舉內地州縣尚須節次施行蠻  
夷之地何可遽議招墾乎今黃廷桂乃以甫經勦  
撫尚未經理之處遽議招徠墾種固是急公之舉  
然所見不廣誠如

聖諭所謂孟浪無知也若夫添設營汛一事黃廷桂曾  
力言其當增臣於地勢道路情形未能盡悉恐據

是

繪圖而論或有不周到處故未敢酌議惟是修葺城池建造營房值今川省百役皆興之時臣恐不能兼營並舉也又黃廷桂奏請雷波黃螂等處開礦一摺臣查開採礦廠必致聚集流匪最易滋事况新撫苗疆尤宜鎮靜誠如

聖明洞鑒不可與之爭利致啓釁端是以上年屢據各屬商民紛紛呈請開採礦廠經臣嚴批不准現俱有案雷波黃螂一帶方在改設流官經理未久尤



不宜先行此舉臣今欽奉

諭旨現已飛行司道轉飭嚴行禁止臣復不時訪察倘有不法姦徒勾通作弊或該管官弁陽奉陰違故縱開採臣自當嚴行拏究叅處以靖地方決不敢極當嚴行察禁不可少忽稍有怠忽姑容自貽嚴譴也伏乞

皇上睿鑒謹

奏

所奏俱悉

雍正八年三月二十日四川巡撫臣憲德謹

奏為敬陳管見仰祈

睿鑒事竊臣於雍正七年十一月內署理成都副都統  
印務見一切文移檔案每多草率辦事之人止有  
筆帖式一員倘遇疾病事故即辦理無人今如筆  
帖式張奇於三月內病故現在無人辦事以臣愚  
見請再添設筆帖式一員協同佐理庶公務不致  
稽延草率再副都統衙門筆帖式原未議給養廉

向俱於八旗兵糧內酌量給與一二分以資用度  
但駐劄省會滿兵非綠旗兵丁可比不便照親丁  
坐糧之例致使額數懸缺臣請將副都統衙門筆  
帖式養廉每年於藩庫公項銀內支給四百兩以  
作日用之資如蒙

恩准添設則該員房屋亦所必需併請亦於充公銀內  
支給置備俾得居住庶副都統衙門辦事有人而  
筆帖式養廉有項不致甲兵缺額實於公務有所

裨益也是否有當伏乞

皇上睿鑒勅部議覆施行謹

奏

所奏是具本題請可也但只聲明添設緣由養廉之議  
准照所奏支給疏內無庸敘入

四川建昌道臣馬維翰謹

奏為敬陳一得仰祈

睿鑒事竊臣自丈量事竣正擬冊籍造完赴京復

命又荷

天恩授臣建昌道現在接辦軍需重任夙夜兢兢惟以勉竭駑駘為念至臣歷任京職屢次恭聆

天語無時不以官守民生諄切

訓誨今臣在川三載似此之察不如不察也見有日習不察而於官民實大二事於官民未嘗無關係但所論不通奈何有關係者二事敬為我

皇上陳之一川省各州縣詞訟繁多即如互爭田地屢控屢翻從無信讞實因沿習苟簡有斷無案

之故查州縣承審果能秉公確訊於情事自不相遠至加看存案留為柄據地方事繁勢有不暇必藉幕賓資其叅酌但從來作幕之人或歷年書吏或專習吏事既無上進之路又去留任意徃徃為利之念重而為名之心輕况川省地遠作幕者少政事或致廢弛堆積臣愚以為各官平素知交豈無一二通習吏治者除舉貢即有應得之官難以取用外其餘不論生監及書

吏俊秀請令州縣各舉二人簡僻地方一人司  
道府各舉三人簡僻地方二人督撫或舉五六  
人俱將姓名履歷咨部註冊彙題各依衙門比

照筆帖式例分別給與品級職銜仍令本官於

朕御極

之元年即曾有旨命督撫幕賓奏明延請數年  
養廉中酌量資給其各省雜職等官有父於作

貲助無過許今保薦錄用汝豈未之聞乎至二年間止

幕通曉刑名錢穀者置之僚閒散亦屬可惜

有一二

督撫曾具名上聞三年以後總未見有奏聞者  
應許督撫司道亦照此例取用所遺員缺俱咨

蓋賓主

兩俱不願朕亦何可深強今將諭意督撫尚不  
部另補其司道府州縣所取人等若進見上司

能行之事而欲概行之於直省州縣等官不但不勝紛  
擾其中難行處豈堪枚舉汝試一回思自當恍然覺悟  
官據實揭報咨革究處免其誤舉之罪若現在  
矣朕無暇縷析批諭  
之員有犯贓違法幕賓知情不為力阻者發覺

叅處一併分別治罪其賢能之員著有實效卓  
異陞轉幕賓亦加議叙量才擢用則幕賓俱圖  
上進不特為

國家立賢無方之一道且辦事可得諳練之助矣  
一川民土著甚少輕於遷徙總不為久遠之計



又因磚瓦難得瓦房稀少鄉民無論貧富多搭  
草棚居住所以一涉忿爭或即將自己棚房拽  
倒至有點火燒燬遂以打搶焚劫捏情具控臣  
三年來所見各處呈詞大畧相同實為川省惡  
習至於城郭市鎮居人稠密院宇牆垣既用竹  
笆又雜葢茅柴屢致火災草性輕揚延燒每難  
撲滅習而不察更為可憫臣愚以為刁控惡習  
除嚴飭該管官秉公查究外宜令各州縣隨地

此奏可發一大笑如果地方競尚磚瓦美觀則射利之  
方之大小動用公帑分設官窯招募匠役給與  
案戶不待招而爭購矣亦未有不動帑開窯驅民從奢勒  
工食燒造磚瓦官平其價於工本外無取贏餘  
令住居瓦房之理假如多燒磚瓦無人購買時當如何  
至年終造冊報銷在川中木植既賤若磚瓦又  
措置耶

易購買自必踴躍共蓋瓦房俟一二年後各地  
方習熟燒造民間有願承頂者該州縣取具隣  
保各甘結具文詳請咨部漸次撤去官窯名色  
聽民自便行之既久瓦屋鱗次既可生其安土  
重遷之心亦可隱杜打搶焚劫之習又弭火患

於無形於川民實有裨益以上二條一係破格  
給與職銜一係特支公帑開設均非常例臣因  
目擊川省地方官守民生起見冒昧敷陳懇請  
皇上睿鑒敕部議覆施行臣不勝戰慄惶悚之至謹  
奏

今將馬維翰條奏二款暨朕之批諭併錄付汝一觀此  
係汝所保薦可勝大僚之人物其識見經濟乃如是耶  
雍正八年五月二十二日四川巡撫臣憲德謹

奏為奏請事雍正八年五月十三日准戶部咨據署  
理川陝總督印務查郎阿摺奏守備楊鶴等拏獲  
姦徒楊成勲黨犯陳文魁楊成祿等搜出訴狀怨  
白中有奉

旨欽命丈田情詞緣由欽奉

上諭一道欽遵咨行到臣臣跪讀畢隨備錄行令布政  
司刊刻刷印多張分布曉諭闔屬務使遠鄉僻壤  
無不周知訖臣伏查清丈之事始於馬會伯之奏

繼經臣憲德詳議

題覆又經九卿會議始奉

恩允准行之始末戶部原文一一備載先於雍正六年  
正月初六日到臣臣隨行令布政司備錄通行闔  
屬二月內又有

欽差高維新等四人到川卽聯銜初次頒貼闔屬告示  
內亦有

特允督撫臣奏請之語然今現有姦黨楊成祿等捏言

滋事則臣宰制一方不能宣

上德非戒約不嚴乃忠心欠純耳意不能嚴申戒約罪何可逭再者川省各道所屬

丈量告竣之本已俱接准部覆惟川東告竣之本  
尚未接有部覆今丈量冊籍現在將及造完若告  
竣之部覆不到則冊籍雖畢不敢

題達且原經部議清丈完日將清出地畝分別科則  
編列字號計留川人戶之數均分闕定認墾等語  
是冊籍不定則安插之事亦不便議舉而今年現

徵之丈出田地錢糧復多有遲礙川東告竣之本  
仰懇

皇上敕部速為議覆迅發來川以便挨次辦理庶免違  
誤臣為地方要務起見冒昧陳情伏乞

皇上睿鑒施行謹

奏

川東丈量告竣之本該部業經議覆已奉旨行知矣

同日又

奏為妄行保舉臣罪難寬事雍正八年五月十八日

高維新恭捧伊摺內奉有

硃批此諭與憲德觀之

旨示臣又臣奏摺匣內奉

發馬維翰條奏一摺欽奉

硃批今將馬維翰條奏二款暨朕之批諭併錄付汝一

觀此係汝所保薦可勝大僚之人物其識見經濟乃

如是耶欽此臣一一跪讀不勝駭異二人所奏實不



大凡身膺統率之責稍涉於輕信逆詐二者之偏皆屬堪瀆陳

有忝厥職據事論事即理言理於人何必預疑亦何必聖鑒凡屬少知治體者何能代為飾詞也其乖張悖謬過信切勿因一事一言之是輒許其畢生之不移一事之處

一言之非遂定其終身之不變是皆庸愚之見萬不能殊批已周悉無遺臣不能另為指陳至臣之密奏高維令屬吏心悅誠服及事過之後而已亦追悔莫及詳考新謂可勝撫藩之任又奏請馬維翰謂可勝臬司其咎蓋緣察訪不勤以致衡鑑不明耳累肯秉公執中

之任緣伊等奉

虛中不泥而復時勤耳目安有如此取愧之事但恐此命到川會議丈量事宜俱能遵述愧悔仍不出於真誠則朕亦無如汝何矣聖謨指授臣心已自佩服然奉行之善與不善則有不

可以空言畢事者及分行查丈之後高維新首為  
告竣屢聞民情歡戴馬維翰次為告竣頗能井井  
民無異議後經臣奏吳鳴虞吳濤丈量川西川東  
不妥蒙

恩又令伊二人前往接辦更正伊等復能清釐竣事游  
刃有餘臣以為才具優長所以密行保奏茲乃見  
伊等之

奏摺悖謬荒唐如此臣始知從前之保薦

奏請盡屬謬妄昏昧輕率之罪臣復何辭惶悚之下  
實無地自容也臣不勝感愧零涕追悔無及抑臣  
敬有陳者川省向緣裁去川北道而保寧一府竟  
不屬道轄雍正五年冬臣以川東道所屬之遵義  
一府既議定改歸黔省則不隸道屬之保寧一府  
請就接壤併屬川東道管轄等因條奏後經部議  
奉

旨准行在案今見川東所轄太為遼濶該道委有鞭長

莫及之勢高維新請裁驛鹽道為川北道誠屬妄  
謬然保寧在川北而隸川東實屬不便今川省又  
有開採鼓鑄一事臣會同署督臣查郎阿等議請  
將開採鼓鑄之事於分巡四道內揀選一員經理  
已經部覆奉

旨令臣等揀選

題請以臣愚見不若仍復舊制添設一川北道駐劄  
保寧府即將川東道所轄之川北地方及松茂道

所屬附近川北之州縣酌併歸川北道管轄而以  
松茂道卽為守道兼司開採鼓鑄之事如此庶川  
東道無鞭長不及之虞而松茂道所屬亦為減少  
更可兼司開採鼓鑄是復設一川北道而諸務皆  
此等事尚須摺請會題耶總屬可笑  
有裨益也如其可行臣卽會同署督臣合詞具  
題事關復設道員臣未敢擅便伏乞

訓示遵行謹

奏

覽

雍正八年八月初六日四川巡撫臣憲德謹

奏為奏明事竊臣先於雍正八年七月二十七日准  
部咨內開據夔關監督隆昇叅奏夔州府知府周  
彬侵隱關稅一案奉

旨著巡撫憲德秉公查審欽此移咨到臣臣欽遵隨即  
委員前往確查周彬任內在涪州公攤曾否徵收  
商稅並行調周彬及提案內有名人等來省以便

審訊去後茲於八月初六日復准戶部鈔發臣奏  
聞周彬隆昇互相指揭一摺奉

旨著將周彬隆昇咨詳一併交與憲德查訊欽此臣查  
此案止咨查而不令面質不惟文移往返有稽時  
日其中是非虛實亦難懸定但監督隆昇一經來  
省則夔關稅務乏員管理臣查重慶府知府張光  
鏞辦事素稱謹慎勤敏隨委該府前往夔關暫行  
代管更替隆昇來省以便秉公查訊除將飭委更

替緣由咨部外理合繕摺

奏明謹

奏

覽奏知道了查訊此案絲毫毋得徇徇若稍涉不公日後必身受其累也

同日又

奏為請嚴定欺隱田糧之例以清積弊事竊查川省丈量田地冊籍已經完畢其丈出地畝錢糧數目



臣已具

題報部并將冊籍差員分送部科訖惟是田地錢糧數目較先倍增則從前欺隱委係十之五六蒙

皇上寬大之恩俱不治其欺隱之罪則此番丈量在民自不應少有隱漏重蹈欺罔在官亦不應少致遺闕自干罪戾但川省遼濶地方險隘頗有人跡罕到之處且冊造五十餘萬戶之衆臣不能保無一二戶之未盡未實者夫當此

浩蕩弘恩槩免從前之欺隱倘仍復有隱匿若不嚴定處分則官民無以知儆臣請

敕部嚴行定例嗣後川省田糧倘尚有隱漏未盡者或被告發或被訪聞或被後任官察出除將田地照律入官外其欺隱之戶應請加等治罪至經辦各官自道府以及正佐亦應分別承督知情失察從重定以議處之條庶官民各知儆惕川中積弊得清矣伏乞

皇上睿鑒敕部議覆施行謹

奏

惟恐將來累及於已而欲增例外處分之條甚屬私心  
謬論或俟數年後新墾地畝漸廣許令再行首報又在  
汝等臨時酌量而為之耳目下丈量甫定復滋紛擾於  
情於理均有未協

雍正八年十一月初九日四川巡撫臣憲德謹

奏為奏

聞事竊查夔關監督隆昇夔州府知府周彬互相指揭

一案屢奉

諭旨令臣秉公查審臣何敢少存私見以蹈徇庇之愆  
隨經調齊至省臣親擬問語令伊二人親自錄供  
所有周彬未令商人親填部檔之處已據周彬自  
認情實其周彬任內曾否於涪州收稅一節臣差  
員往查覆稱周彬雖未收稅而曾經差役巡查張  
掛告示并伊家人私自得銀數兩俱實有其事詰

之周彬已俯首無辭至實在侵蝕關稅之處即隆  
昇亦無指實現在行令兩司將書巡人役嚴加鞠  
訊臣仍親審不使毫有遁情惟是監督隆昇於初  
問時亦親自錄供次日卽云不善書寫令人代錄  
其供詞支離含混竟有所答非其所問之處且於  
供詞內有謂臣何必明知故問之語是其不服臣  
查訊之狀已情見乎辭矣且查出伊任內亦有不  
令商人親填部冊并重戮苛徵到任後即更例增

金史卷一百三十二  
收捏填檔冊等事俱有確鑿證據而隆昇並不輸  
服填供臣不敢不據實奏

聞伏祈

皇上睿鑒施行謹

奏

天下未有秉公而人不輸服之理汝不能令其輸服即  
奏聞於朕亦何濟於事耶

同日又

奏為敬陳邊方寧謐情形恭慰

聖懷事竊照烏蠻不法甫經聞信之時接壤滇疆等處  
居民不無驚擾惶惑亦有搬移家口欲行遠避者  
臣即飛委永寧道馳往分頭趕回曉諭安撫旋有  
官兵前往沿境堵勦近准據各鎮將移報已於十  
月初十日十一月初四五等日恢復大關小關豆  
沙關等要隘逆蠻奔逃現已進攻深入並將讐殺  
阿興土千戶安永長之檜溪逆夷攻克斬殺現在

摺勦逸賊沿邊居民俱各安堵地方寧謐惟是初  
聞賊警之時雷波黃螂工所之匠役小夫多有聞  
風潛逸欲令暫行停工又恐從前所做未完之處  
一時損類不無虛糜錢糧現雖嚴催各州縣令其  
押解夫役急赴工所又值分催背運各路軍糧需  
夫既多且急工程或少遲延耳茲恐上厯

宸衷謹將沿邊地方寧謐情形據實奏

聞謹



奏

民夫既有背運軍糧之役督催工作不應過急一切雇募價值應從寬裕者據實題請務令小民樂於趨赴毫無苦累酌量辦理可也

雍正九年四月初一日四川巡撫臣憲德謹

奏為據實奏明軍需銀兩事竊照川省從前軍需並無繩墨節制承辦各員俱得任意開銷雍正四年內前撫臣法敏據建昌道劉應鼎將應用軍需逐

加查核酌定例冊詳請具

題以便遵辦嗣蒙部議發交川陝督臣岳鍾琪再加核議於雍正六年內經岳鍾琪核定

題請遵行辦理在案今雍正六年內進兵西藏並雲南烏蠻米貼祿氏不法川兵於建昌之涼山阿驢敘馬之雷波等處堵剿動用過軍需銀兩據建昌道今陞按察使劉應鼎詳稱各糧務委員遵照例冊承辦但地方有險易之別物價亦隨時各異各

委員相機酌辦有通融支用減於例冊者通計六七兩年分共節省銀八千七百七十九兩零又有勢處於無可如何不得不用浮於例冊者且甚有例冊未經議載用與例冊不符者通計共銀六千八百一十三兩零仰蒙

上諭軍需令其據實報銷欽遵在案豈容稍涉欺偽理合詳明等情到臣該臣查得前項通融支用減於例冊節省之銀兩應請收歸軍需原項接支應用

其有不得不用浮於例冊且有不合例冊之銀兩  
應責令各委員賠補但實係急公用去之項與糜  
費有別而軍帑又難以虛懸以臣愚見即將此浮  
用銀六千八百一十三兩零仰懇

皇仁請照雲南之例於川省鹽茶耗羨充公項內撥補  
庶軍需造報既不失實而妥辦各員均沐

皇恩於無既矣是否有當伏乞

睿鑒訓示施行謹

奏

既稱有節省銀兩即應以減用之數議抵浮用之數奏明請銷何必又於鹽茶耗羨項內撥補多此一番曲折未解汝意

雍正九年五月二十八日四川巡撫臣憲德謹

奏為據情覆奏事竊臣前以雍正六七兩年軍需內節省銀八千餘兩請歸入軍需項下其浮用六千餘兩請於鹽茶耗羨銀內動撥繕摺具

奏奉有

硃批臣跪讀之下悚惶無措伏思若無節省銀兩或節省之數不敷浮用數目或可仰懇

皇仁動撥別項今節省之數儘可補其浮用數目尚有餘銀自應以節省數內請補浮用而外餘者請歸入軍需項下庶為直截了當乃臣於具

奏之時昧於所見祇以軍需冊內臣既不敢令其通融捏造而浮用各款又恐內部不准開銷所以越

想越渾愈辦愈拙也現今催令造冊將減用浮用各款俱於項下登明於

題本尾內請以節省銀內補其浮用之數餘者請歸入軍需項下等情具

題外謹將臣從前愚昧卑鄙之見據情奏

聞謹

奏

但改勉愚昧卑鄙則朕委任封疆之寄是矣總因私心

欽定四庫全書

硃批諭旨

卷一百三十二下

三十四

未能屏除淨盡遇事必不妥協也

雍正九年六月初八日四川巡撫臣憲德謹

奏為請遣員究審以伸

國法以懲姦邪事雍正九年六月初五日臣等在

會府公坐處有按察使劉應鼎稟稱訪聞得有本司

衙門緣事已革之書辦彭懋輝承差唐現章等又

復賄投督院衙門充役隨差人拏獲昨於衆司道

齊集時質審得行賄立約情由供出提標提塘楊



姓說合手札內有昨日已向敝友說白等情本日  
又據劉應鼎來院稟臣說今早有署督標中軍傅  
弘禮向本司說楊提塘手札內有所謂敝友者我  
已經訊問據楊提塘供係撫院衙門趙相公等語  
臣隨將臣衙門繪畫之趙瓚立刻差員押送臬司  
對質研訊又據臬司稟稱反復質對即楊提塘亦  
供委不與趙瓚相干等語臣恐此事或劉應鼎因  
趙瓚係臣衙門延請之人致有瞻徇或傅弘禮假

欽定四庫全書

明倫彙編

卷一百三十二下

捏揚提塘之供誣賴趙瓚以杜撫臣之口并使臬司掣肘勿得深究均未可定伏乞

皇上密敕大臣來川嚴審究出札內所謂敝友之人定擬總不假手於川員庶姦徒無所肆其伎倆而執法之員各得盡法矣又有貢生簡宣家被盜一案先經該府縣審詳謂簡宣家捏報已咨部暫將簡宣斥革研審後有簡宣妻子來省訴冤又有首告共盜知情之人經臬司提審謂已得大槩復令府

縣虛公核審隨互相指摘不休劉應鼎亦稱冤不了如蒙

皇恩遣員來川審究前件並祈將此一案亦

敕差員定審以上二事或已草之胥役賄求復克串通之中保希圖漁利或未被盜而報為大盜或刦盜而硬謂捏報皆屬常有之事祇宜法在必行耳無論為文為武或憲或屬一有偏私便分黨羽此則必不可有之勢臣所以亟亟入

告干冒

聖聽也伏乞

皇上俯允施行謹

奏

覽奏類如趙瓚無益之輩招置署中何用况封疆緊要  
案牘殷繁奚暇留心繪事耶似此本省所屬些小案件  
尚不能服人心口輒請差員審理朕實代汝愧之未知  
汝具何面皮公然奏請也

雍正十年九月二十九日四川巡撫臣憲德謹

奏為恭謝

天恩事雍正十年七月二十二日臣齎摺人回川恭捧  
御賜荔枝一瓶到臣隨恭設香案望

闕叩頭祇領訖理合繕摺

奏謝

天恩謹

奏

覽

聞川省今歲科場主考聲名甚屬平常詳細訪察據實奏知

同日又

奏為覆奏事竊查川省軍需承辦各項俱於雍正六年定有例冊而六七年承辦各冊內有用減於例冊者亦有用浮於例冊者臣前以浮用各款誠恐內部不准開銷是以請將用減於例冊之節省

銀兩收歸軍需原項接支而用浮於例冊銀兩請  
於鹽茶耗羨充公項內撥補等情欽奉

硃批既稱有節省銀兩即應以減用之數議抵浮用之  
數奏明請銷何必又於鹽茶耗羨項內撥補多此一  
番曲折未解汝意欽此欽遵臣隨催造軍需各冊令  
將減用浮用各款俱於項下登明茲於本年九月  
內據該司造清齋送雍正六七兩年用減於例冊  
節省銀兩共計二萬九千五百二十二兩零用浮

於例冊銀兩共計六千八百一十三兩零臣已於  
題本內請以節省銀兩補其浮用之數外尚有餘銀  
二萬二千七百九兩零歸入實存軍需項下接支  
等情具

題請銷伏乞

聖慈敕部核銷施行謹

奏

覽奏知道了候具題到日有旨



雍正十一年二月初七日四川巡撫臣憲德謹

奏為欽奉

上諭事雍正十一年正月二十四日准戶部咨雍正十一年正月初七日內閣鈔出

命臣速弛米禁

上諭一道轉發到臣臣跪讀之下不勝悚惕伏思我皇上中外一體天下一家臣叨沐

隆恩職任封疆惟應仰體

睿懷無分此疆彼界何敢自干過糴之戒祇以雍正九年川省米價頗昂各路碾辦軍糈需米甚殷經臣奏明暫遏商販亦係禁止大艘夥販並漏稅不法之徒至於滇楚二省差員入川買米臣俱行令各地方官任憑採買而販運米石之小商亦仍聽往來查雍正九年夔關米稅收銀計五千八百餘兩原未敢一槩杜絕也迨至雍正十年川省大獲豐登民間米價日減臣於上年九月內會摺

奏請弛禁隨於十一月初七日恭奉

硃批當即欽遵諭令布政司轉飭開禁並屢次批行弛  
禁在案總緣成都距夔路途寫遠沿江州縣以及  
隣省商賈未能立即周知是以米糧尚未各處流  
通上廕

天心特頒

諭旨訓飭臣捧誦

嚴綸實深惶懼復又立即行知布政司夔關遵照更專

差馳諭沿江各州縣凡有販米商賈一體欽遵放行毋許禁阻並通咨楚省督撫諸臣外所有欽遵弛禁緣由臣謹繕摺恭

奏伏乞

睿鑒謹

奏

如果將弛禁之處明白曉諭負販商賈輩各具有耳目何以至今米穀尚未流通耶以此一派勉強支吾之詞

公然奏辯亦可謂厚顏矣

雍正十一年八月初二日四川巡撫臣憲德等謹  
奏為鹽道任意率行辦理失實飛灑累商引滯難銷  
事竊查川省行鹽引目先於欽奉

上諭事案內議請按照各州縣戶口分引行鹽嗣據該  
道曹源邠以人民散處靡常各州縣內有額引不  
敷民食者有分引太多者請將各處引目改撥代  
銷等情節經據詳

題達在案但改撥代銷原因戶口偶有增減之所不  
得不權宜變通未可恃此而竟任意混撥者今見  
該道將各州縣派定引目紛紛改撥不但案牘繁  
多抑且糾纏不了節經各屬稟詳改撥不當積引  
難銷商民稱累等情到臣臣隨批布按二司移詢  
該道確查詳議去後茲據該司等詢查會詳前來  
臣查鹽從井辦引按鹽銷計口受鹽法至善也經  
理之員苟能按其實在戶口察其道路遠近因地

制宜均勻分配不特鹽無壅塞引目易疏而課稅亦自充裕無如曹源邠一味草率從事並不實心經理以致官民稱累商怨沸騰殊忝總理釐政之任除嚴飭該道會同兩司分行各地方官將實在戶口鹽觔徹底通查妥為酌議外所有該道曹源邠辦理不實及現今通行查議情由臣不敢隱蔽謹會同督臣黃廷桂合詞具

奏伏乞

皇上睿鑒敕部察議施行謹

奏

舉凡一省中鹽課引務莫非汝等督率之責果曹源邠  
著有貪婪不法形迹即當列款糾叅若止改撥不當汝  
等何難商酌合宜而更正之今但云不敢隱蔽祈朕敕  
部察議竟將釐政一項視如無涉然不知是何意見覽  
奏朕甚鄙汝等有玷督撫統轄訓飭之任也

雍正十一年九月初六日四川總督臣黃廷桂巡



撫臣憲德謹

奏為恭報秋成分數事竊照年穀收成理應分析  
奏報臣等行令布政司確查通省收成分數據實詳  
報去後茲據該司查明秋成分數分析造冊申送  
前來臣等伏查川省秋禾上年既獲豐收今歲復  
登大有合計通省收成實有九分以上現今成都  
一帶米價每倉斗一石不過三錢四五分不等其  
他各府州縣據報米價數目較前俱屬平減似此

連歲順成人民樂利皆出

皇上敬

天勤民德洋恩普之所致臣等不勝歡忭謹將該司冊報

秋成細數另繕摺敬呈

御覽仰祈

聖鑒謹

奏

秋成細數欣悅覽焉其中一廳四州縣何故不產秋禾

查明緣由奏朕知之

雍正十一年十一月初三日四川巡撫臣憲德謹

奏為恭請

陛見事竊臣謫劣庸愚遭逢

聖世屢蒙

皇上簡拔之恩疊荷

聖主曲成之德

洪恩優渥挾髓淪肌感激微忱銘心鏤骨伏念臣自雍

正四年二月內奉

命出京迄今已經八載未得一覲

天顏身在蜀西心依

北闕瞻戀愚誠夙夜耿耿前於雍正七年具摺恭請

陞見未蒙

俞允嗣因軍務倥傯不敢遠離今川省所有西藏以及  
松爐諸路駐防官兵俱已撤減年歲屢豐地方亦

甚寧謐懇祈

皇上天恩鑒臣愚悃准於來春自川起程進京

陞見俾臣得跪請

聖安親承

聖訓庶臣犬馬戀

主之心可以少伸於萬一倘蒙

恩允臣巡撫印務應交署理之處伏乞

皇上訓示遵行臣不勝激切待

命之至謹

奏

朕正欲見汝覽入覲之請恰合朕意候另旨由內閣頒發

雍正十二年正月初六日四川巡撫臣憲德謹

奏為恭謝

天恩事雍正十二年正月初四日准署理陝西巡撫印

務兵部尚書臣史貽直咨雍正十一年十二月二

十三日准兵部遞到

內廷頒發奏匣一件雍正十一年十二月十三日內

閣奉

上諭憲德補授工部尚書四川巡撫員缺著鄂昌補授  
令馳驛來京陞見後再赴新任憲德暫不必來京俟  
鄂昌到任將四川一切事宜詳悉講論交代清楚再  
起身來京欽此擬合移咨煩請查照

上諭內事理欽遵知會施行等因到臣隨恭設香案望  
闕叩頭謝

恩訖伏念臣謏劣庸愚蒙

皇上委以邊方重任凡辦理地方事務無不仰蒙

聖訓涵育成全臣自愧愆尤日積仰報無能方待罪不  
遑時深兢惕乃又沐

殊恩受茲超擢位愈高而責愈重

恩愈厚而報愈難惟有益凜小心倍加黽勉以期仰酬  
皇上洪恩於萬一今恪遵

聖諭俟新任撫臣鄂昌到任將四川一切事宜詳悉講



論交代清楚星馳

北闕日覲

天顏時聆

聖訓竭蹶駑駘趨承於


堯聰舜哲之廷臣不勝感激懼忤之至除俟開印日另  
疏

題謝外合先繕摺恭謝

天恩為此謹

奏

近日以來部務乏人料理不得已召卿內用品秩之卑  
高無庸計論也



硃批諭旨卷一百三十二下